



丙子

元和郡縣圖志序

余紫光祿大夫中書侍郎

賢殿大學士監修國史上柱國趙國公臣李德裕撰



臣聞王者建州域物土疆觀次乎星躔審法乎地理考正國山河之象求二儀險阻之情天濛萌而西界人初開宇正而五均叙自黃帝之方制萬國夏禹之分別九州辨書畫野因人緯俗其揆一矣及秦皇并六國則罷侯而置郡漢武討百蠻則窮兵而黷武雖裂為郡縣者遠過于殷周而教令之所行威懷之所服亦不越于三代夫天地作限之意非皇王尚德之仁誇志役心久而後悔由此觀之則聖

人疆理之制固不在荒遠矣吾 國家肇自貞觀至于開
元兼夏商之職貢掩秦漢之軌躅航累乎九譯旣貫通
乎萬里然後分疆以辨之置吏以康之任所有而差貢賦
因所宜而制名物守其要害險其赤集經理之道冠乎百
王魏乎無焉而稱矣易曰天險不可升地險山川丘陵
王公設險以守其國險之時用大矣哉然則聖人雖設險
而未嘗恃險施于有脩之內措于立德之中其用常存其
札不踴弛張開闢因變制權所以財成二儀統理萬物故
漢祖入關諸將爭走金帛之府惟蕭何收秦圖書高祖所
以知山川險塞戶口虛實厥後受命記水定都洛陽留侯

漢委輅之謀田首賀入關之策事關興替理切安危舉斯
而言豈可識矣伏惟

睿聖文武皇帝陛下握樞秉璽承祧立極祖堯舜之道憲
文武之程皇王之選蹤行之必至祖宗之耿光獲而復耀
天寶之季三途暫艱由是障網解而不紐強侯傲而未肅
逮至興運盡為驅除故蜀有阻隘之夫吳有憑江之卒雖
完保聚繕用甲兵莫不手足裂而異處封疆一乎四海故
肅衛風偃朔塞砥平東西南北無思不服臣 吉甫當元聖
撫運之初從內庭視草之列尋脩家職久塵台階每自循
省赧然收汗謨明弼諧誠淺智之不及簿書期會亦散材

之不工久而伏思方得所効以為成當今之務樹將來之
勢則莫若版圖地理之為切也所以前上元和國計簿審
戶口之豈豈耗續撰元和郡縣圖志辨州域之疆理時獲省
閱或裨聰明豈欲希鄴侯之規模庶乎盡朱贛之餘奏况
古今言地理者凡數千家尚古遠者或搜古而略今採謠
俗者多傳疑而失寔歸州邦而叙人物因立墓而徵鬼神
流于異端莫切根要至于丘壤山川攻守利害本于地理
者皆略而不書將何以佐明王扼天下之吭制群生之命
收地保勢勝之利示形秉彙制之端此微臣之所以精研
聖后之所宜周覽也謹上元和郡縣圖志起京兆府盡隴

右道凡四十七鎮成四十卷每鎮皆圖在篇首冠于叙事
之前并目錄兩卷總四十二卷臣非博聞識見經遠馳
驚雖久漏略猶多輕瀆宸嚴臣增戰越謹上

元和郡縣圖志卷第一

關內道一

京兆府雍州

開元戶三十六萬二千九百九十二
元和戶二十四萬一千二百二

禹貢雍州之地舜置十二牧雍其一也周武王都鄴鎬平

王東遷以岐鄠之地賜秦襄公至孝公始都咸陽秦蕪天

下置內史以領關中項籍滅秦分其地為三以章邯為雍

王都廢立

今與平
縣是也

司馬欣為塞王都櫟陽董翳為翟王都

高奴

今延州金
明縣是也

謂之三秦高祖入關定三秦復併為內史

景帝分置左右內史武帝大初元年改內史為京兆尹後

與左馮翊右扶風謂之三輔其理俱在長安城中又置司



隸校尉以總之光武都洛陽以關中地置雍州尋復立三
 輔魏分河西為涼州分隴右為秦州三輔仍舊屬司隸晉
 初省司隸復置雍州愍帝之後劉聰石勒苻健姚萇相繼
 竊據之黃孫泓為劉裕所滅東晉復置雍州及京兆郡尋
 為赫連勃勃所破遣子瑰鎮長安號曰南臺後魏太武破
 赫連昌復于長安置雍州孝武自洛陽遷長安改為京兆
 尹隋開皇三年自長安故城遷都龍首川即今都城是也
 初隋大營都宇文暹以朱雀街南北有六條高坡為乾卦
 之象故以九五置宮殿以當帝王之居九三立百司以應
 君子之數九五貴注不當常人居之故置立都觀及興善
 寺以鎮之大明宮即皇唐高宗龍朔二年所置高宗嘗集
 風流以內大溫置宮于斯其地即龍首山之東麓北據
 高原南俯城邑每時天霽景下視終南含元殿所居高明

尤得地勢大時東南曰廢京兆尹又置雍州煬帝改為京
 興慶宮玄宗藩邸宅也
 兆郡武德元年復為雍州開元三年改為京兆府

謹按漢五年高祖在洛陽姜敬說曰陛下都洛陽豈欲與
 周室比隆哉制之都洛以為此天下中丁仲四方納貢職
 道里均有德則易以王無德則易以亡凡居此者欲令務
 以德致人不欲阻險今後世驕奢也今陛下而欲比隆成
 康之時為不侔矣且夫秦地被山帶河四塞以為固粹然
 有急百萬眾可具因秦之故資甚美膏腴之地此所謂天
 府陛下入關而都之山東雖亂秦故地可全而有也夫與
 人闘不搯其亢拊其背未能全勝今陛下入關而都秦秦

之故此亦楹天下之亢而拊其背也高祖問群臣群臣皆
山東人爭言周王數百年秦二世則亡不如都周高祖疑
未能決及留侯明言入關便即日駕西都關中六年擒韓
信田肯賀高祖曰甚善陛下得韓信又治秦中秦形勝之
國帶河阻山持戟百萬煮得百二馬地勢便利其以下兵
於諸侯譬猶居高屋之上建瓴水也自漢至今常為王者

輿區

府境

東西三百一十里
南北四百七十里

八到

東至華州一百八十里
東南至蒲州二百六十五里
南取庫谷路至金州六百八十里

西南至洋州六百三十里
西至微北至州三百一十里
西北至邠州三百里
東北至坊州一百五十里
正東微北至同州二百五十里

管縣一十一

萬年 長安 昭應 三原 醴泉 奉天
奉先 富平 雲陽 咸陽 渭南 藍天

萬年縣 本漢舊縣屬馮翊在今櫟陽縣東北三十五里
周明帝二年分長安霸城山北等三縣始于長安城中置
萬年縣隋開皇三年遷都改為大興縣理宣陽坊武德元
年復為萬年乾封元年分置明堂縣理永樂坊長安三年

廢天寶七年改為咸寧乾元二年復名萬年縣

終南山在縣南五十里按經傳所說終南山一名太一亦名中南據張衡西京賦云終南太一陰窟崔岸潘岳西征賦云九峻巖薛太一龍從面終南而背雲陽跨平原而連嶓冢然則終南太一非一山也

畢原在縣西南二十八里詩注云畢終南之道名也書云周公薨成王葬于畢是也

白鹿原在縣東二十里亦謂之霸上漢文帝葬其上謂之霸陵王仲宣詩曰南登霸陵岨迴首望長安即此也長樂坡在縣東北十二里即灑川之西岨舊名灑坂隋文

帝惡其坂名改曰長樂坡

故軹道在縣東北一十六里即秦王子嬰降沛公之處也細柳營在縣東北三十里相傳云周亞夫屯軍處今按亞夫所屯在咸陽縣西南二十里言在此非也

杜陵在縣東南二十里漢宣帝陵也

渭水在縣北五十里舊云北去縣五十里

灊水在縣東二十里灊橋隋開皇三年造唐隆二年仍舊所割制為二南北兩橋

樊川一名後寬川在縣南三十五里本杜陵之樊鄉漢高祖賜樊噲食邑于此

御宿川在縣南三十七里漢為離宮別館禁禦人不得往
來遊觀止宿其中故曰御宿

長安縣志本秦舊縣初楚懷王封項羽為長安侯則長安
久矣非始于漢但未詳所在耳及高帝五年入關復置長
安縣乃取舊名以名縣也至隋開皇三年遷都長安縣移
至長壽坊西南隅乾封元年分置乾封縣理懷真坊長安
三年廢

龍首山在縣北一十里長六十里頭入渭水尾達樊川秦
時有黑龍從南山出飲水其行迹因成土山疏山為臺殿
不假版築高出長安城西京賦所云疏龍首以抗殿也輔三

黃圃曰營未央宮
因龍首制前殿也

細柳原在縣西南三十三里別是一細柳非亞夫屯軍之
所

長安故城在縣西北十三里漢舊都惠帝修築本秦離宮
也按惠帝元年正月城長安三年春發長安六百里內男
女十四萬五千人三十日罷六月發徒隸二萬人常役至
五年正月發十四萬六千人三十日乃罷九月而城成城
南為南斗形城北為北斗形周迴六十五里

太和宮在縣南五十五里終南山太和谷武德八年造貞
觀十年廢二十一年以時熟公卿重請修築于是使將作

大匠閻立德繕理焉改為翠微宮今廢而為寺

周武王宮即鎬京也在縣西北十八里自漢武帝穿昆明池于此鎬京道趾淪陷焉

秦阿房宮在縣西北十四里殿東西五百步南北五十丈上可坐萬人下可建五丈旗表南山以為闕為複道自阿房渡渭屬之咸陽庭中可受十萬人又置銅人十二于宮

前

漢長樂宮在縣西北十五里

漢未央宮在縣西北十四里並在長安故城中

漢建章宮在縣西二十里長安故城西太初元年栢梁臺

災越正以厭勝之術請作建章宮為千門萬戶

桂宮在縣北十三里長安故城中漢武帝所造

栢梁臺在長安故城中未央宮北

漸臺在未央宮西王莽死于此

神明臺在縣西北二十里長安故城西上有承露盤

漢博望苑在縣北五里武帝為太子據所立使通賓客

上林苑在縣西北一十四里周匝二百四十里相如所賦也

酒池在長樂宮中漢武帝所作以誇羗胡飲以鉄盃重不能舉皆低頭牛飲西征賦云酒池監于商辛追覆車而不寤

子午關在縣南百里王莽通子午道因置此關也

新豐故城在縣東十八里漢新豐縣城也漢七年高祖以

太上皇思東歸于此置縣徙豐人以實之故曰新豐并移

枌榆舊社街衢棟宇一如舊制男女老幼各知其室雖雞

犬混效亦識其家焉

古戰亭在縣東北三十里周幽王為犬戎所逐死于戲即

此也周章軍西至戲秦將章拒破之亦此地也

周幽王陵在縣東北二十五里

秦始皇陵在縣東八里始皇即位治驪山陵役徒七十萬

人今按其陵高大亦不足役七十萬人積年之功蓋以驪

山水泉木北流者陂障使東西流又此土無石取大石于渭北諸山其費功力由此也

華清宮在驪山上開元十一年初置溫泉宮天寶六年改

為華清宮又造長星殿名為集靈臺以祀神也

三原縣次赤而南本漢池陽縣一百一十里截薛山在今縣西北

六十里薛秦于此山北置三原護軍以其地西有孟侯原

南曰豐原北曰白鹿原後魏太武七年罷改置三原縣屬

北地郡明帝孝昌三年蕭寶暉逆亂毛洪賓立義捍賊永

安元年于此置北雍州洪賓為刺史亦謂之洪賓柵其故

城在縣北五十五里又割北地郡之三原縣于此置建忠

郡以旌其功開皇三年罷郡以縣屬雍州

高祖獻陵在縣東十五里

堯門山在縣西北三十二里

天齊原在縣西北二十五里上有天齊祠

黃白城在縣西南十五里後漢李傕亂政天子東遷三輔

飢歎乃移保黃白城即其地也

秦西梁宮在縣西南十五里黃白城內

于謹墓在縣北十八里

醴泉縣次赤東南至府本漢谷口縣地在九峻山東仲山

西當涇水出山之處故謂之谷口溝洫志云白渠首起谷

口尾入樂陽表二百里溉田千五百餘頃田人得其利鏡

歌曰田于何所池陽谷口鄭國在前白渠起後涇水一石

其泥數斗且溉且薰長我禾黍衣食京師億萬之口謂此

也後漢及晉又為池陽縣後魏改為寧夷縣隋開皇十八

年改為醴泉縣以縣界有周醴泉宮因以為名

太宗昭陵在縣東北二十五里九峻山

肅宗建陵在縣東北十八里武將山

奉天縣次赤東南至府光宅元年割醴泉始平好時武功

新平郡之永壽五縣置

梁山高宗天皇帝乾陵所在因名曰奉天其山即禹貢

所云嶺口理梁及岐又古公稷父踰梁山至于岐下及秦
立梁山宮皆此山也

秦先縣次赤西南至府本秦重泉縣後魏省至孝文帝分

白水縣置南白水縣西魏改為蒲城縣本屬同州開元四

年以縣西北三十里有典山于北置睿宗橋陵改為奉先

縣隸京兆

玄宗陵在縣東北二十里

惠莊太子陵在橋陵東南三里

惠宣太子陵在橋陵東六里

惠文太子陵在橋陵東三里並在栢城內

富平縣次赤西南至府本漢舊縣屬北地郡後魏文帝自
懷德城移于今理周閔帝於縣置中華郡武帝省郡以縣
屬馮翊開皇三年改屬雍州

中宗定陵在縣西北十五里龍泉山

代宗元陵在縣西北四十里檀山

順宗豐陵在縣東北三十三里窰金山

懿德太子陵在縣西北十五里

荆山在縣西南二十五里在岐山東高貢云荆岐既旅是
也

鹽池澤在縣東南二十五里周迴二十里

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封為塞王

雲陽縣次赤西南至府本漢舊縣屬左馮翊魏司馬宣王

撫慰關中罷蘇置撫夷護軍及趙王倫鎮長安復罷護軍

劉石符姚因之魏罷護軍更于今理別置雲陽縣隋因之

武德元年分置石門縣三年于石門縣置泉州貞觀元年

廢州改石門縣為雲陽縣

德宗崇陵在縣東二十里

嵯峨山一名巖崚山在縣東北十里東西二十五里南北

二十里山上有雲心雨常以為候

甘泉山一名磨石嶺在縣西北九十里周迴六十里

車箱阪在縣西北三十八里紫紆曲折單軌纒通上阪即

平原宏廡樓觀相屬即趨甘泉宮道也

涇水在縣西南二十五里初鄭國分涇水置鄭渠後倪寬

又穿六輔渠今此縣與三原界亦道小渠猶有存者謹按

秦始皇元年韓閻秦好興事欲疲之乃使水工鄭國間說

令鑿涇水自仲山西口為渠東注洛三百餘里欲以溉

田中作而覺秦欲殺國曰始臣為間然渠成亦秦之利

秦以為然卒使就渠既成溉澤鹵之地四萬頃詎皆一鍾

魏中無凶年命為鄴國渠後至漢武帝元鼎六年一百三十六歲倪寬為左內史又奏請穿六輔渠以益溉鄴渠旁高邱之田後十六歲趙中大夫白公又奏穿涇水注渭中溉田四千餘頃人得其饒而歌之大唐永徽六年雍州長史長孫祥奏言注日廊白渠溉田四百餘頃今為富僧大賈競造碾磑止溉一萬許頃于是高宗令分檢渠上碾磑皆毀撤之未幾所毀皆復廣德二年臣吉甫先臣文獻公為工部侍郎陳其狀代宗亦命先臣拆去私碾磑七十餘所歲餘先臣出牧常州私制如初至大曆中利所及畿六千二百餘頃

漢雲陽縣在縣西北八十里

雲陽宮即秦之林光宮漢之甘泉宮在縣西北八十里甘

泉山上周迴十餘里去長安三百里望見長安城黃帝以

東祭天而立焉也齊人少翁謂武帝曰上即欲與神通宮

室故設法與神通也至乃于甘泉宮中為臺畫天地泰

一諸鬼神而祭之又作栢梁銅柱承露盤仙人掌之屬帝

以五月避暑于此八月乃還

通天臺在縣西北八十一里甘泉宮中高三十五丈望雷

雨悉在下

咸陽縣魏東漢南本秦舊縣也孝公十二年於渭北城

咸陽自河隴徙都焉秦自孝公惠文悼武昭襄莊襄王始皇封咸陽都之始皇二十六年初并天下收天下兵聚之咸陽繕以為鎮鎮秦人十二各重千石置庭中徙天下豪富於咸陽十二萬戶外破諸侯及其宮室作之咸陽北阪上以所得諸侯美人鐘鼓充之咸陽之旁二百里內宮觀二百七十土人皆被絳繡宮人不務樂不改縣窮年忘歸猶不能通至胡亥時天下叛秦漢元年秦王子嬰降漢項羽引兵西屠咸陽殺子嬰燒秦宮室火三月不滅及漢興以為渭城縣屬右扶風按秦咸陽在今縣東二十二里漢渭城縣亦理於此今廢時改為咸陽郡後魏移咸陽縣於

涇水北水涇水縣理是也 閭皇九年改涇陽為咸陽大業三年廢入涇陽城本杜郵也武德元年置白起堡二年置縣又如營寨馬山南曰陽水北曰陽縣在北山之南渭水之北故曰咸陽

果石山縣所理也左傳曰果原鄭邠文之昭也即謂此地原南北數十里東西二三百里無山川破壞井深五十丈亦謂之果陌漢氏諸陵並在其上

短陰原在縣西南二十里

渭水南去縣三里

臨皋縣在縣東南二十里

長陵故城在縣東北三十里初漢徙關東豪族以奉陵邑
長陵茂陵各萬戶其餘五陵各千戶皆屬太常不隸于郡
秦蘭池宮在縣東二十五里

秦慈石門在縣東南十五里東南有閣道即阿房宮之北
門也累慈石為之著鉄甲入者慈石吸之不得過羌胡以
為神

細柳倉在縣西南二十里漢舊倉也高亞夫軍次細柳即
此是也張揖云在昆明池南恐為踈遠

棘門在縣東北十八里本秦閭門也漢文帝使將軍徐厲
屯棘門謂此也

蘭池即秦之蘭池也在縣東二十五里初始皇引渭水
為池東西二百里南北二十里築為蓮菜山刻石為鯨魚
長二百丈始皇嘗微行過盜于蘭池見喜使武士殺盜
閩中

閩中

中渭橋在縣東南二十二里本名橫橋架渭水上始皇都
咸陽渭水貫都以為天漢橫橋南渡以法牽牛渭水南有
長樂宮渭水北有咸陽宮咸通二宮之間故造此橋漢末
董卓燒之魏文帝更造劉裕入關又毀之後魏重造貞觀
十年終于今所

便橋在縣西南十里架渭水上武帝建元三年初作便門

橋在長安北茂陵東去長安二十里長安城西門曰便門
此橋與門相對因號便橋

白起祠在縣城中

漢惠陵在縣東三十里高帝陵也

安陵漢惠帝陵也在縣東北二十里

陽陵景帝陵也在縣東四十里

平陵昭帝陵也在縣西北二十里

渭陵武帝陵也在縣西北七里

延陵成帝陵也在縣西北十三里

義陵京帝陵也在縣北一里

康陵平帝陵也在縣西北九里

太公墓在縣東北十里

周公墓在縣北十三里

董何墓在縣東北三十七里

曹成墓在縣東北三十五里

張良墓在縣東北三十六里

榮恬祠在縣西北十五里

渭南縣漢西漢前一本漢新豐縣地符秦時置後魏孝明

帝太和於今縣東南四里置渭南郡及南新豐縣西魏

廢帝二年改南新豐為渭南縣武德元年屬奉州五年改

屬雍

倒獸山一名玄家山在縣東南五十里王子年隱處也

渭水北去縣四里

渭水出縣西南石樓山北入渭

濟崇業宮在縣東十五里

秦皇高宮在縣西南二十里

藍田縣咸亨中置本秦穆公置按周禮王之美者曰球其

次為藍蓋以縣出美玉故曰藍田周閔帝割京兆之藍田

又置玉山白雲三縣置藍田郡至武帝省郡復為藍田縣

為京兆後魏割之縣理城即燒御城也俗亦謂之青泥城

桓溫伐苻健使將軍孫瑒攻其子苻泥城破之即其處也

藍田山一名玉山一名覆車山在縣東二十八里

白堊石在縣西六里昔桓溫伐苻健督護鄧遐擊蒼督擊

於白堊原即此也

渭水故渚子也即秦漢水之下流東南自商山入洛縣界

流入又西北流合洛水入渭

志徭城在縣東南三十三里宋武帝征閩中禁城于此南

人思鄉因以為名

藍田觀在縣東南九十里即燒關也蓋趙高將兵拒燒關

沛公引兵攻燒關踰費山擊秦軍大破之

黃山在縣東南二十五里

元和郡縣志卷之二

志卷之二

京之下

此取 高平 樵馬 經馬 美原 京原

同官 平泉 靈原 武功 六時

華州 三原

鳳翔節度使 鳳翔府 隴州

興平縣 舊東至 本漢平望縣屬右扶風魏文帝改為始

平昔武成置始平國領槐里縣歷晉至西魏數有移易景

龍二年金城公主出嫁吐蕃中宗送至此縣改始平縣為

金城縣至德二年改名興平

始平原在縣北十二里東西二十里南北八里入咸陽界

西入武功界

渭水南去縣二十九里

馬坡澤在縣東南二十里南北廣四里東西二十一里

百浦澤在縣西二十五里今蒲池之利司迴十六里

槐里城古曰大立秦改名廢立周穆王所營項羽封章邯

為秦王都立亦此城也

武臺故城在縣東南十里

馬當故城在縣西北二十三里馬當於此築城以避難未

詳何人

漢武臺在縣北二十四里亦武臺也

漢高小宮在縣西南三十里武臺行西至苗山宮即此

也

漢高小宮在縣西南三十里

漢武臺在縣北十七里武臺陵也在槐里之茂鄉因以

為名武臺陵在縣北五十八里

漢公孫弘墓在縣東北十八里

漢高小宮在縣東北十九里武臺陵在縣北

漢高小宮在縣東北十九里武臺陵在縣北

高陵縣在西南本秦舊縣孝公置漢屬左馮翊魏文帝

改為高陵屬京兆郡大業二年復為高陵

龍躍宮在縣西十四里高祖太武皇帝龍潛舊居也武德

六年置

姚襄墓在縣東南十三里

標馬縣在西南本秦舊縣獻公自雍徙居焉屬左馮翊

項羽在司馬故為秦王亦都之按高帝既葬太上皇于標

陽之萬年陵遂分標陽置萬年縣以為陵邑理標陽城中

故標陽城亦名萬年城漢省標陽入萬年後魏宣武帝

又分置廣陽縣當時帝省萬年入廣陽更于長安城中別

置萬年縣屬左馮翊漢初郡縣置三年罷郡廣陽縣屬

左馮翊又改為左馮翊縣

煮鹽澤在縣南十五里澤水縣南竹素隄于此煮鹽周迴

二十里

池水在縣西南十里水注之利

池水在縣東南二十五里

池水在縣東南二十五里本秦舊縣漢置安定郡惠帝改置池陽

縣在馮翊故城在縣西北二里以其在池水之陽故

曰池陽後置廣陽縣漢置廣陽縣又置池陽縣隋文

帝置池陽縣屬左馮翊郡今縣是也

石安原在縣南七里高二十丈東西三十八里南入咸陽

照平

平水坂在縣西南五里

汪水西北自池陽縣界流入經縣南七里又東南入高陵

...

易化

...

...

山西... 口... 二渠也

秦漢洪宮在縣東南八里北臨汪水以渠北流故名之故

胡亥死于此也

漢池陽宮在縣南八里

...

太白渠在縣東北十里

中白渠首受太白渠東流入高陵縣界

南白渠首受中白渠水東南流亦入高陵界

美原縣在縣西南二十里秦漢頓陽之地以縣西北十一里有

頓山秦惠公于山南立縣故曰頓陽後魏別立二門縣以

頓山有二土門狀似門故曰土門大業二年省美寧二年

再置貞觀十七年又省咸亨二年復置仍改名曰美原

潁陽故城在縣西南三里秦將王翦即此縣人也

華原縣在縣西南至本漢設祠縣地屬左馮翊曹魏皆于

其地置北地郡元魏廢帝三年改為通川郡領泥陽縣屬

宜州六年改泥陽為華原縣大業二年省宜州縣屬京兆

重拱元年改為永安縣天授二年又置宜州大定元年廢

之神龍元年復為華原縣

土門山在縣東南四里

被用故城在縣東南一里漢縣也宣帝神雀二年鳳皇集

被祠城是也

泥陽故縣在東南十七里

漢華原宮在縣東北三里

同官縣在縣西南至本漢設祠其地屬左馮翊晉屬潁陽

秦於泥陽城東北銅官川置銅官護軍後魏太武帝改

置銅官縣屬北地郡周初除立稱此同字屬宜州大業二

年省宜州縣屬雍州國朝因之

和縣在縣東北至本夏之邑國啓與有扈戰於甘之野地

理志古邑國有口谷戶亭又有甘亭扈三秦改為鄠邑漢

屬右扶風自後魏屬京兆後遂因之

終南山在縣東南二十里

雞頭山在縣東南三十一里偽趙主石生不能守長安欲

西上隴士卒散盡遂入雞頭山尋為追兵所害

牛首山在縣西南二十三里南接終南在上林苑中西京

賦云統黃山而款牛首是也澇水所自出

渭水北去縣十七里

豐水出縣東南終山南自發源北流經縣東二十八里北

流入渭

龍臺澤在縣東北三十里周迴二十五里

八部澤在縣東南五里周迴五十里

故郿城在縣北二里夏之是國也

鍾宮故城一名漢鍾城在縣東北二十五里蓋始臯收天

下兵器銷為鍾鏃此或其處

馬社壇在縣東北三十二里龍臺澤中每年太常太僕四

時祭之春祭馬祖夏祭先牧秋祭馬社冬祭馬宗

清太平宮在縣東南三十一里對太平谷因名之

清甘泉宮在縣西南二十二里對甘泉谷因名之

周鄠宮司之三宮也在縣東三十五里詩云既伐于崇作

邑于崇是也崇侯無道文王伐之命無殺人無壞室崇人

闕之如歸父母送書崇侯作鄠邑崇國在秦晉之間

秦黃陽宮在縣西南二十三里

美陂在縣西五里周迴十四里

甘亭在縣西南五里夏啓伐有扈誓師于甘之野即此處也

藍屋縣

畿東北至府一百三十里

漢舊縣武帝置屬右扶風山曲曰藍

水曲曰屋後漢省晉復立武德三年屬稷州貞觀元年廢稷川復屬雍州天寶中改名宜壽後復名藍屋

姜維嶺本名沈嶺在縣南五十里蜀後主延熙二十年大將軍姜維率衆出駱谷經沈嶺即此也

望仙澤在縣東南三十五里中有龍尾堆

隋宜壽宮在縣東南三十二里

秦長楊宮在縣東南三十三里漢武帝好自擊熊羆司馬

相如池在縣東北

秦五祚宮在縣東南二十八里

馬融讀書堂在縣東北二十七里

司竹園在縣東十五里史記曰渭川千畝竹今按園周圍百里置數亭掌之以供歲用美寧元年義師起高祖第三女平陽公主樂兵於司竹園號娘子軍

駱谷關在縣西南一百二十里武德七年開駱谷道以道梁州在今關北九里貞觀四年移於今所

駱谷道漢魏舊道也南通蜀漢魏少帝正始四年曹爽伐蜀諸軍入駱谷三百餘里不得前進牛馬驢騾一本云羸以轉

運死略盡少帝甘露三年蜀將姜維出駱谷圍長城亦此道也

樓觀在縣東三十七里本周康王大夫尹喜宅也穆王為召幽逸之人崑為道士相承至秦漢皆有道士居之晉惠帝時重置其地舊有尹先生樓因名樓觀武德初改名宗聖觀事見樓觀本記及先師傳焉

武功縣漢東至有一百四十里漢有縣古有郿國堯封后稷之地周平王東遷以賜秦襄公孝公作四十一縣釐美陽武功各其一也其來與郿音同字異武功蓋在渭水南今郿縣地是也按舊縣境有武功山斜谷水亦曰武功水故諸葛亮索

云道孟瑛據武功水又杜預遠云太白山南連武功山是則縣本以山水立名也武德三年分雍州之武功好時蓋屋扶杖之郭四縣於今縣理置樓觀因后稷所封為名貞觀元年廢州以縣為京兆

慶善宮在縣南十八里皇家舊宅也南臨渭水武德元年置宮貞觀六年廢舊觀幸譙群臣賦詩焉

三時原在縣西南二十里高五十丈西入扶風縣界故擊城一名武功城在縣西南二十三里古郿國也

后稷祠在縣西南二十三里

姜嫄祠在縣西南二十二里

隋文帝泰陵在縣西南二十里三時原上

好時縣畿西南本漢舊縣在今縣理東南十三里故

城是也時者神明所依止也以雍州積高神明之與故立

時以郊上帝諸神也後漢省武德二年分醴泉縣置因漢

舊名屬雍州三年改屬稷州貞觀元年廢稷州復屬雍州

二十一年於縣上置縣置好時縣今縣理是也其上宜縣

隋開皇十八年置貞觀八年廢

華州華陰戶三萬七百八十七細七十七

禹貢雍州之域周為畿內之國鄭桓公始封之邑其地一

名武林秦以時為晉界邑長城在州東七十二里或說

秦晉分地初華岳故築此城戰國時屬秦魏地理志云自

高陵已東皆魏分也安史記魏築長城自蕭漢洛今州東

南三里魏長城是也夫并天下為內史之地二漢及晉為

內史之地後魏置東雍州高帝改為華州大業二年省華

州義寧二年置華山郡武德元年復為華州垂拱元年改

為大州避武太后祖諱神龍元年復舊

州境東西一百六十四里

八到西至上一百八十里

東至東都一百八十里

東至州城二百八十里

南至商州山路二百七十里

元利...
貢賦開元 賦 苳 苳 苳
苳 苳 苳 苳
苳 苳 苳 苳

管縣三

鄭縣 華陰 下邳

鄭縣 舊鄭 本秦舊縣漢屬京兆後魏置東雍州其縣移在

州西七里大業二年州廢移入州城隸屬雍州至三年以

州城屋宇壯麗置太華宮縣即權移城東四年宮廢又移

入城

古鄭縣在縣西北三里興元二年新築羅城及古鄭城

並在羅城內

少華山在縣東南十里

華陰縣 魏西至州 本魏之陰晉邑 惠文王時魏人犀首

始之于此 改曰寧秦漢高帝八年更名華陰屬弘農郡

後魏屬華州隋大業五年移城今理垂拱元年改曰仙掌

尋獲新田名

長城在縣西春秋時晉分界處

太華山在縣南八里

禾豐倉在縣東北三十五里渭河口隋置義寧元年因倉

又置監天寶三年在常營兼陝州刺史常堅開漕河自苑

西引渭水因古渠至華陰入渭引永豐倉及三門倉米以

給京師名曰廣運潭以堅為天下轉運使 漕渠每夏大雨

輒皆漲大曆之天寶中每歲水陸運米二百五十萬石入後漸不通亦

關大曆後每歲水陸運米四十萬石入關

潼關在縣東北三十九里古桃林塞也春秋時晉侯使唐

嘉盧殿以守桃林之塞是也關西一里有潼水因以名關

又云河在關內南流衝激關山因謂之衝關謹按秦函谷

關在漢弘農縣即今靈寶縣西南十一里故關是也今大

路在北本非鈴東之界漢武帝元鼎三年楊僕為樓船將

軍本宜陽人今福馬恥居關外上疏請以家僮七百人徙

關於新安武帝從之即今之函谷關東一里函谷故關是也

而鄉傳所馳出於南路至後漢獻帝初平二年董卓賜帝

函谷長安出函谷關自此已前其關並在新安其後二十

年不建安十六年曹公破馬超於潼關則是中間徙於今

關今歷二澤而至河潼上躋高塢俯視洪流盤紆陵極實

謂天塹河之北岍則風陵津北至蒲關六十餘里河山之

險遷迤相接自此相望川途曠然蓋神明之與區帝宅之

戶隔百二之固信非虛言也

下邳縣東至本秦舊縣地理志屬京兆注下邳秦武

公伐邾或置以障西有上邳故此如邾也董卓遷都長安

華歆求出為下邳令即此也後魏避道武帝諱改為夏封

大業二年復舊後魏屬馮翊隋屬華州武德年屬同州垂

拱二年復屬華州

漢蓮勺縣故城在縣東二十二里張尚本河內人徙家蓮

勺

同州 馮翊四輔 開元戶五萬六千五百

元和戶四十八百六
鄉一百四十

禹貢雍州之域春秋時其地屬秦本大荔戎國秦獲之更名曰臨晉魏天漢伐秦築臨晉今朝邑西南有故城七國時屬魏始皇并天下京兆馮翊扶風並內史之地及項羽滅秦為塞國立司馬欣為塞王及漢王定三秦以為河上郡後罷為內史武帝更名左馮翊魏除左字但為馮翊

郡晉周之後魏永安二年改為同州高士云涑沮既從澧

水出內史水至此司流入渭城居其地故曰同州

州境東西一百一十二里

八到西至上者二十里

東至渭水六十里

西北至坊州二百五十里

平曠 賦 貢 賦 文吉莫皮二十張

元和 貢 賦 廣香 瓜黃 地黃 蘇燕于
鮫文靴 石鐵餅 寒山石

管縣七

馮翊 朝邑 韓城 白水 夏陽 澄城

馮翊縣望郭本漢臨晉縣故戎城秦獲之更名舊說秦築高壘以臨晉國故曰臨晉武帝改為大荔縣後魏改為華陰縣後以名重改為武鄉大業三年改為馮翊縣馮輔也翊佐也義取輔佐京師

沙苑一名沙阜在縣南十二里東西八十里南北三十里後魏文帝大統三年周太祖為相國與高歡戰于沙苑大破之其時太祖兵少隱伏于沙草之中以奇勝之後于兵立之重人栽一樹以表其功今樹在猶存仍于戰處立忠武寺今以武表宜六高置沙苑也
興德宮在縣南三十二里義旗將起京師軍次於忠武園

因置亭于名興德宮屬家令寺

魏邑縣程西至本漢臨晉縣之地大荔園在今縣東三十步故王城是也後魏置南五泉縣西魏改為朝邑縣以此攝朝坂故以為縣西南有蒲津關

河橋本秦后子奔晉造舟于河通秦晉之道今為河西縣長春宮後司武帝置大業十三年高祖起義兵自太原金於此宮休甲養士而定京邑武德二年於此置陝東太行臺太宗居藩作鎮四年山東平乃移行臺於洛州

通靈陂在縣北四里二百三十步開元初姜師度為刺史引洛水及堰黃河以灌之種稻田二千餘頃

苦泉在縣西北三十里許原下其水鹹苦羊飲之肥而美
今于泉側置羊牧故俗語云苦泉羊洛水漿

韓城縣上西南至古韓國及梁國漢為夏陽縣之地韓國

故城在今縣理南十八里梁國在今縣理南二十三里有

少梁故城隋文帝分鄆陽于此置韓城縣春秋秦晉戰於

韓原即此地也

龍門山在縣北五十里

龍門成在縣東北極險峻後司又於此置龍門關今廢也

白水縣東南至州本漢粟邑縣之地馬左馮翊按粟邑

故城在縣理西北二十八里許宜為左馮翊以粟邑縣小

僻在山中其人謹朴以潁陽今薛恭換粟邑今尹賞二縣

俱大理又為漢割縣地春秋時秦晉爭戰於彭衙是也後

魏之成帝分澄城郡於此置白水縣白水南臨白水因以

為名漢之開皇三年罷郡縣同

夏陽縣東西南至古有華國漢命陽縣之地武德三年

分鄆陽於此置河西縣在河之西因以為名又割同州之

鄆陽韓城二縣於今縣理置西韓取古韓國為名也以

河東有韓城故北加西貞觀八年廢西韓州以縣屬同州

乾元三年改為夏陽縣南有華城即古華國文王妃太

叔而此國之女也

澄城縣 望南至州一百里 漢徵時也常昭云徵音懲，澄同聲後人誤為澄文十年秦晉取北徵即此城是也後魏太武七年分郟陽縣置又于今縣理置澄城郡開皇三年罷郡以屬司州

漢武帝時嚴禁上言碩亭洛以溉重泉以東萬餘頃於是發卒穿渠自渠引洛水至商顏下商顏在馮翔縣界名曰龍首渠案州西三十里有龍北即龍首之尾也

王宮故城在縣西北春秋德曰停我王宮剪我羈馬郟陽縣 望南至州一百二十里本漢襄縣屬左馮翊在郟水之陽詩大雅所謂在洽之陽是也水經注曰郟陽城南有漢水東

流注於河即郟水也按中漢水灌池漢水與南漢水並在舊河南之南五里今郟陽界內云雅云漢出大尾下郭璞以為汾陰縣有水一車輪比水亦然也武時屬澄城郡開皇三年罷郡以屬司州羈馬故城在縣東北二十六里鳳翔府 汝州 汝水四縣

開元十四萬四千五百三十
無九十二
元和七年七百八十
開元十四

今為鳳翔縣理所

管州二

鳳翔府

隴州

縣十四

都管戶八千三百六十四

禹貢雍州之域春秋及戰國時為秦都德公初居雍即今
 天興縣也至獻公始徙櫟陽始皇并天下屬內史項羽封
 章邯為雍王亦此地也高帝更名中地郡復屬內史景帝
 更名左內都尉武帝太初元年更名右扶風所以扶助京
 師也此也漢京兆尹左馮翊謂之三輔理皆在長安城
 中後漢出理櫟陽即今興平縣南東七里故櫟里城是魏
 文帝除右字為扶風郡亦是重鎮曹公使張郃屯陳倉建
 興中諸葛亮攻陳倉之郃皆不克晉太康八年為秦國後

魏太武分州理東五里築雍城鎮文帝改鎮為岐州隋
 開皇元年于州城內置岐陽宮岐州終於今理大業三年
 罷州為扶風郡武德元年復為岐州至德元年改為鳳翔

郡乾元二年改為鳳翔府

州境東西一百八十三里

南北三百一十九里

東至東都一千一百七十里

東北至鄜州二百三十里

南取公白山路至興元府六里百

西南至鳳州二百八十里

西至龍州一百五十里

北至涇州二百二十里

貢賦開元

賦

龍巖席

蠟燭

卷二

管縣九

天興 岐山 扶風 普潤 岐陽 麟遊

寶雞 魏縣 郿縣

天興縣在秦本秦雍縣秦國都也漢縣屬右扶風四面高四障又四望不見四方故謂之雍秦田中宮在縣西漢文帝十四年匈奴入蕭關燒田中宮候騎至雍即此也至德二年分置鳳翔縣永泰元年廢仍改雍縣為天興縣

乾歸故城在縣西四十三里乞伏乾歸據范川自號西秦因築此城

石鼓文在縣南二十許里石形如鼓其數有十蓋紀周宣

王叔微之書古文即史籀之迹也貞觀中吏部侍郎蘇勗紀其事云漢褚先生共稱古妙雖歲久訛缺遺迹尚有可觀而歷代紀地理志者不詳記錄尤可惜

岐山縣西至京本漢陳縣之地周武帝天和四年割涇州

魏縣之南界置三龍縣開皇十六年移三龍縣于岐山

南十里改為岐山縣貞觀八年移于今理岐山亦名天柱

山在縣東北十里

渭水在縣南三十里

五將山在縣西北六十里符堅為姚襄將吳忠所擒之處

扶風縣西至岐本漢美陽縣地武德三年分岐山縣置國

川縣屬岐州取今縣南渭川水為名近代訛作園四年隸入耀州貞觀元年廢耀州以縣屬岐州八年改為扶風

普潤縣南至府九十里隋大業元年於此置馬牧又置普潤屯後廢屯置縣在漢為涇縣并有鉄官今城西有涇水又有小城蓋置鉄官處

岐陽縣西南至府一百里蓋漢杜陽縣地貞觀七年割扶風岐山二縣置以在岐山之南因以名之

麟遊縣西南至府一百六十里一本漢杜陽縣地隋於此置西麟州營仁壽宮長寧元年唐高祖輔政廢宮是年獲白麟于官所因置縣

九成宮在縣理西一里即隋文帝所置仁壽宮每歲避暑春生冬還義寧元年廢宮置立郡縣貞觀五年復修舊宮以為避暑之所改名九成宮

永安宮在縣西三十里貞觀八年置

寶雞縣東北至府七十里本秦陳倉縣秦文公所築因山以為名屬右扶風大業九年移於今理在渭水北乾元二年改為寶雞以昔有陳寶鳴雞之瑞故名之

陳倉城魏太和中將軍郝昭所築陳倉城通說會諸葛亮來攻亮本問陳倉城惠及至怪其整頓聞知昭在其中大驚愕亮素聞昭在西有威名念攻之不易初太原勸詳少

陳倉城魏太和中將軍郝昭所築陳倉城通說會諸葛亮來攻亮本問陳倉城惠及至怪其整頓聞知昭在其中大驚愕亮素聞昭在西有威名念攻之不易初太原勸詳少

陳倉城魏太和中將軍郝昭所築陳倉城通說會諸葛亮來攻亮本問陳倉城惠及至怪其整頓聞知昭在其中大驚愕亮素聞昭在西有威名念攻之不易初太原勸詳少

陳倉城魏太和中將軍郝昭所築陳倉城通說會諸葛亮來攻亮本問陳倉城惠及至怪其整頓聞知昭在其中大驚愕亮素聞昭在西有威名念攻之不易初太原勸詳少

陳倉城魏太和中將軍郝昭所築陳倉城通說會諸葛亮來攻亮本問陳倉城惠及至怪其整頓聞知昭在其中大驚愕亮素聞昭在西有威名念攻之不易初太原勸詳少

與昭相親後為蜀所得及亮圍陳倉詳為亮監軍使於城外呼昭喻之昭於樓上應詳曰魏家科法卿所練也我之為人卿所知也曩時高剛守祁山坐不專意雖終得全於今誰謂不亡我必死而卿還謝諸葛亮便可攻也詳以告亮亮進兵雲梯衝東晝夜距二十餘日亮無利會費曜等救至亮乃引去按今城有上下二城相連上城是秦文公築下城是魏昭築

陳倉山在縣南十里南接梁鳳二州界散關在縣西南五十二里蜀志諸葛亮出散關圍陳倉

三之城在縣西十六里司馬懿王與諸葛亮相距所築城

宣三年築城東南開渠引渭水入昇原渠通舡至京故城即秦城也帝所築城在今武大興城之西北苑中

魏縣北至京古魏國司文王弟魏叔所封是曰西魏後秦武公武為縣周改為洛邑縣大業二年復為魏縣貞觀八年廢天授二年再置

郿縣西北至京一百里本秦縣右輔都尉理所在今縣東一十五

里有故城今縣周天和元年築置雲州建德三年廢武德元年又於故城置邠州三年廢州郿縣屬棧州七年屬岐州白起即此縣人也縣在渭水南一里自岐山至郿縣以

終南山在縣南三十里

太白山在縣東南五十里

五丈原在縣西南三十五里初諸葛亮與司馬宣王相持

亮據渭水南原宣王謂諸將曰亮若出武功依山東轉是

其勇也若西上五丈原諸君無事矣亮果屯此原耕者雜

於渭濱居人安堵軍無事焉

積石原在縣西北二十五里魏青龍二年諸葛亮出斜谷

與司馬宣王屯渭南郭淮漢亮心爭北原遂先據之亮至

不得上即此原也

縣理城亦向斜城南當斜谷因以為名斜谷南口曰褒

北口曰斜

董卓為在縣東北十六里卓封郿侯築塢高與長安埒號

為萬歲塢

成國渠在縣東北九里受渭水以溉田

隴州在縣上 縣之北 七百里 八十四

禹貢雍州之域秦文公所都漢為汧縣屬右扶風後魏置

東秦州西魏文帝改名隴州因山為名大業二年省義寧

二年又於縣理置隴東郡武德元年改為隴州

州境東西二百里

八到東至上都四百六十里

東至東都一百三十里

西至秦州三百四十里

南至鳳州山路四百三十里
北至原州三百三十里

貢賦 開元 貢 龍馬書五函

管縣志

泃源 泃流 吳山 華亭 南由

泃源 泃源 本漢泃縣地屬右扶風在泃水之北後魏改

為泃陰將泃改為泃源縣

隴山在縣西六十二里

岍山在縣西六十里北與隴山接禹貢導岍及岐是也

大震間在州西六十一里漢置漢武至此遇雷震因名

秦城在州東西二十五里秦漢并置為泃渭之間有功周

孝王命為大夫

泃陽 縣上西至 本漢隴陰縣地因今縣東八里隴陰漢

為古制武帝置泃陽郡及唐尋省郡以縣屬隴州

泃水在縣南一里

吳山縣 中西北至 本漢隴陰縣地後魏孝昌二年於長

蛇川置長蛇縣屬秦州開皇十八年改為吳山縣

吳山在縣西南五十里秦都咸陽以東西秦合為國之西

鎮山國語謂之西吳

華亭縣 下西南至 本秦涇陽縣地大業元年置華亭

縣以在華亭川口故名

小龍山在縣西四十里

南由縣下東北至州一百二十里本漢沔縣地後魏孝明帝於縣西南

由谷口置縣因谷為名開皇二年省長蛇縣併入南由屬

岐州貞觀四年割入龍州

安夷關在縣西一百四十六里

長蛇川在縣西一百里

渭水在縣南四十里

元和縣志卷第二

元和郡縣志卷第三

關內道三

涇源節度使 涇州 原州

邠寧節度使 邠州 寧州 慶州

鄜坊觀察使 鄜州 坊州 丹州 延州

涇州 開元戶一萬五千九百五十二

元和戶一千九百九十

壘田 今為涇原節度使理所

管州二

涇州 原州

縣九 都管戶

禹貢雍州之域春秋時屬秦至始皇分三十六郡屬北地郡漢分北地郡置安定郡即此是也漢以六郡良家子補羽林郎按六郡安定即其一焉後漢安帝永初五年徙其人於美陽以避羌寇郡寄理美陽在今武功縣界夷陽故城是也至順帝移于今理後魏太武神麌三年於此置汪州因水為名大業三年改為安定郡大業末金城賊帥薛舉侵擾幽涿武德元年太宗西討會舉死因平舉子仁果遂改安定郡為涇州

州境東西一百九十六里
南北二百八十六里

八列
東南至上都四百八十里
東北至寧州一百五十里
東南至東都一千三百四十里
西北至原州平原縣一百五十里
北至慶州城三百三十里
北至鳳州二百三十三里
南至鳳州二百五十八里
東南至邠州一百八十里
西南至隴州私路一百八十里

貢賦 關元 貢 龍鬚 蓆 賦 麻 布

管縣五

保定 靈臺 臨涇 良原 潘原

保定縣上郭本漢安定縣也今臨涇縣安定故城也後漢省後魏文帝大統元年自高平移城于今理屬安定郡隋

開皇三年罷郡以縣屬涇州至德二年改保定縣
涇水在縣東一里

折墟故城在縣東十里西魏涇州刺史乙弗貴所築隋末
薛舉屯據于此城舉死仁果復竊據武德元年討平之
萬俟醜奴餘趾在縣東五里醜奴高平人後魏建義元年
借號於此

靈臺縣上西至本漢鶡觜縣屬北地郡司馬屬趙平郡隋
開皇三年屬涇州仁實元年改為靈臺縣理西東接縣城
即古密國之地也今縣理西陰密故城是也詩云密人不

臨涇縣上東南至本漢舊縣屬安定郡隋大業元年於今

縣理置秋谷縣取縣内秋谷為名十二年復為臨涇縣
朝因而不改按縣在彭陽川内彭陽水一百步縣界兼有
漢安武安定彭陽撫夷四縣之地也

良原縣上東北至本漢三水縣地屬安定郡今安定縣界

三水故城是也大業元年分安定縣之地置良原縣西
南三十里有良原因以為名

汭水一名宜祿川西自隴州華亭縣流入

石原在縣西南所謂良原也

潘原縣中東至州本漢陰盤縣屬安定郡在今邠州宜祿

縣西二十三里陰盤故城是也地有陰槃

原州平京中都督府開元戶元化戶

知鄉

州境

東	南至	上	八十里	
東南	至	江	一百一十里	
東	南至	東	一百六十里	
西	至	會	一百六十里	
南	至	秦	一百六十里	
正	西	至	南	一百六十里
北	至	靈	州	五百里

貢賦 賦一貢 履 緡 種

管縣四

平高 平涼 百泉 蕭關

平高縣聖下本漢高平縣屬安定郡後魏太武太延二年於今縣理置平高縣屬平高郡隋開皇三年罷郡以縣屬原州大業三年以原州為平涼郡武德元年重為原州縣

仍屬

笄頭山一名崆峒山在縣西一百里即黃帝謂廣成子學道之處史記曰黃帝東至於海西至崆峒登笄頭是也漢書曰笄頭山在涇陽西禹貢涇水所出莊子云廣成子學道崆峒之山又後漢書隗囂使將王孟塞雞頭道即此也木峽關在縣西南四十里

蕭關故城在縣東南三十里漢書文帝十四年匈奴入蕭關殺北地都尉是也

瓦亭故關在縣南七十里即隴山北垂隗囂使牛邯守瓦亭即是此也

秦長城在縣北十里

朝那湫郡志云湫泉祠那蘇林云在安定朝那縣方四十里冬夏不增減不生草木旱時即祠之以求澆水置之於所在則雨；不止及水於泉谷以為恒今周迴七里蓋近代減耗

監牧貞觀中自京師東赤所澤移馬牧於秦渭二州之北會州之南蘭州狄道縣之西置監牧使以掌其事仍以厚州刺史為都監牧使以管四使南使在原州西南一百八十里西使在臨洮軍西二百二十里北使寄理原州城內東宮使寄理原州城內天寶中諸使共有五十監

南使管十八監

西使管十六監

北使管七監

東宮使管九監

監牧地東西約六百里南北約四百里天寶十二年請監
見在馬總三十一萬九千三百八十七疋內一十三萬三
千五百九十八疋課馬

平涼縣

上西北至州一百六十里

本漢涇陽縣地今縣西四十里涇

州故城是也後魏為長城郡長城縣之地周武帝建德元
年割涇州平涼郡於今理置平涼縣屬長城郡開皇三年
屬原州皇朝因之開元五年移於涇水南貞元七年又移
於舊縣南坂上今縣是也乃屯軍其中

馬屯山縣西十六國春秋云魏襄王許登戰于高平豎

敗奔于馬屯山即此也其山南北二十里東西三十里

百泉縣上西至本漢朝那縣地故城在二縣理西四十

五里後魏孝明帝於三縣西南陽晉川置黃石縣隋煬

帝改為百泉縣武德八年移於今所

可藍山一名都盧山在縣西南七十里十六國春秋曰赫

連定據平涼豎可藍山望統萬城泣曰先帝若以朕承大

業豈有今日

涇水源出縣西南涇谷地理志云涇陽縣莽頭山涇水所
出淮南子云莽頭山一名薄落山故涇水亦白薄落水又

南流經郡廬山、路之中常如彈箏之聲故行旅因謂之彈箏峽

蕭關縣 中南至州一百一十里本隋地樓縣大業元年置神龍三年

廢別立蕭關縣以去州闊遠御史中丞侯全德奏於故曰

草軍城置因取蕭關為名

蔚茹水在縣之西一名蔚蘆河源出原州西南顏沙山下

邠州 新平開元戶一萬九千四百六十一 御四十九

元和戶二千六百七十 和四十九

管州三

邠州 寧州 慶州

縣一七

禹貢雍州之域周之先公劉所居之地詩大雅云篤公劉

於豳斯館是也周本紀曰后稷子不窋末年夏政衰奔戎

野之間至公孫劉休后稷之業乃國于豳徐廣云新平漆

縣東北有豳亭是也按豳國城在今州理東北二十九里

三水時界古豳城是也自周東遷其地屬秦、并天下分

三十六郡焉內史漢屬右扶風今州理即漢右扶風之漆

縣也漆水在今縣西九里西北流注於注今鳳翔府麟遊

縣東西亦有一漆水与此異也後漢於此置新平郡及姚

萇之亂百姓夷滅此地郡縣並無理所至後魏又置郡焉

文帝大統十四年於今理置南幽州廢帝除南字大業二年省入寧州義寧二年復為新平郡武德元年復為幽州開元十三年以幽字相涉詔曰魚魯變文荆并誤聽欲求辨惑必也正名改為邠字天寶元年改為新平郡乾元三年復為邠州

州境東西二百里

八到東南至上都三百里

東南至東都一千一百六十里

東至坊州三百十里

南至秦州一百三十里

西北至涇州一百八十里

北至寧州一百四十里

管縣四

新平 三水 永壽 宜祿

新平縣下本漢漆縣也屬右扶風建武八年隗囂志衆

攻略陽上漆進止夫之會馬援夜至上喜問之援聚米以

為山谷於上前指軍所從入上笑曰虜在我目中遂進兵

考諸記注漢之漆縣即今州理是也姚萇之亂郡縣不立

賢乎後魏於今縣西南十里陳陽原上置白上縣屬新平

郡開皇三年罷郡於白上縣於今州城中置幽州四年改

白上縣為新平縣大業二年省幽州入寧州義寧二年復

為新平郡武德元年以新平郡又為幽州縣屬焉

五龍原在縣南三里原側有五泉水因名

涇水西北自宜祿界流入

蕭丘堡在縣西十八里東西南三面石坡峭峻高十丈北面築城高二丈武德二年置貞觀元年廢

符堅墓在縣東南二里先兵有謠云河水清荷詔死新城堅聞惡之語軍侯曰地名新城避之至是為姚萇所殺於

新平城之墓焉

三水縣州六十里西南至本洋舊縣有缺官屬安定郡以縣界

有羅川谷三泉並流故以為號魏改三水縣為西川縣亦屬安定後魏於今縣理西二十八里重置三水縣取漢舊

名屬新平開皇三年罷郡以縣屬豳州皇朝因之

石門山在縣東五十里峰巖相對望之似門

岫邑故城在縣東二十五里即漢柁邑縣屬右扶風古邠

國也左傳云畢原豈前文之昭也

古肅城在縣西三十里公劉始節之處

永壽縣上西北至州六十里武德二年分新平縣西界於今理北

三十里永壽原西分置永壽縣因原而名貞觀二年移於州東南八十里興元二年又移於順義店即今理是也本

漢漆縣之南界也

高泉山亦曰甘泉在縣北二十五里

五龍原在縣南三里原側有五泉水因名

涇水西北自宜祿界流入

稟丘堡在縣西十八里東西南三面石坡峭峻高十丈北面築城高二丈武德二年置貞觀元年廢

符堅墓在縣東南二里先兵有謠云河水清荷詔死新城堅聞惡之語軍侯曰地名新城避之至是為姚萇所殺於

新平城遂葬焉

三水縣縣西南至州六十里本漢舊縣有缺官屬安定郡以縣界

有羅川谷三泉並流故以為號魏改三水縣為西川縣亦屬安定後魏於今縣理西二十八里重置三水縣取漢舊

名屬新平聖皇三年罷郡以縣屬幽州皇朝因之

石門山在縣東五十里峰巖相對望之似門

灼邑故城在縣東二十五里即漢柁邑縣屬右扶風古邠

國也左傳云畢原豈射文之昭也

古肅城在縣西三十里公劉始都之處

永壽縣上西北至州七十里武德二年分新平縣西界於今理北

三十里永壽原西分置永壽縣因原而名貞觀二年移於州東南八十里興元三年又移於順義店即今理是也本

漢漆縣之南界也

高泉山亦曰甘泉在縣北二十五里

涇水自新平縣界流入

醴泉苑在縣東北十里并宮並周所立後廢貞觀四年置

醴泉監兼置屯五所隸司農寺

宜祿縣 中東至州八十一里 本漢淺水縣地屬上郡後魏為東陰

盤縣地齊帝以縣南臨宜祿州因改名隸涇州暨周隋又

為白土縣貞觀二年分新平縣又置宜祿縣後魏舊名也

淺水原即今縣理所初金城人薛舉稱兵攻破郡縣武德

元年舉寇涇州屯兵于新安定縣之析據城太宗親征相守

六十餘日會舉死其子仁果統其眾并羗胡十餘萬數來

挑戰上遣總管龐玉自此原南出賊之右因高而陳上率

大兵自原北出其不意斬首萬餘級賊大潰仁果惧而請

降俘其精兵萬餘人男女五萬口故城猶在今縣北五里

陰盤城在縣西北二十五里

昭仁寺在縣西十步淺水原上王師討平仁果詔于此置

寺碑諫議大夫朱子奢之詞也

長武城在縣西五十里隋開皇中築在涇河南岸武德元

年廢大曆初憲子儀置兵以備西戎

寧州 舊原 開元三三萬二百二十六 和戶一六一百七 鄉七十三

壅田

高貴雍州之域古西戎地也當夏之衰公劉邑焉周時為

義渠戎國其後戎翟攻太王重父避于岐山脚而作周按
 今州理城即公劉邑地也後西北伐犬戎武王都鎬遂戎
 夷于涇洛之北以時入貢命曰荒狄周道衰荒狄不至後
 幽王為犬戎所殺至秦繆公得由余西戎八國來至秦昭
 王殺義渠戎王并其地始皇分三十六郡北為北地郡即
 義渠舊地也漢氏因之後漢移北地郡居富平故城是也
 後魏延興二年為三縣鎮孝文太和十一年改置班州十
 四年改為鄜州二十年改卯為肅取地名也廢帝三年改
 鄜州為寧州以撫寧戎狄為名後周改為北地郡隋又為
 寧州大業中又為郡武德三年復為寧州貞觀元年改為

都督府四年又廢府為州
 州境東西二百一十六里
 南北五百一十四里
 八到東南至上都四百五十六里
 東南至東都一千三百里
 東至松州三百二十里
 西至江州一百五十里
 東北至寧州三百九十里
 北至慶州一百三十里
 南至鄜州一百四十里

貢賦 開元貢 賦 歲布

管縣六

安定 真寧 襄樂 彭原 定平 豐義

安定縣望 本漢泥陽縣在今縣理東南方十五里泥陽

故城是也至後魏太武帝置安定縣取定俗安人為義在
今縣理北西三里定安故關自開皇三年移縣入廢趙興
郡理仍屬寧州皇朝因之

扶蕪墓在縣西北十八里始皇太子也監蒙恬築長城始
皇崩李斯矯詔賜死葬于此

真寧縣州西北至本漢陽周縣地屬上郡漢書陳餘與

章邯書曰蒙恬為秦將北逐戎人開榆中地數千里竟斬

陽州謂此縣也魏置泥陽惠陟二護軍孝文太和十一年

復置陽時開皇十八年改為羅川縣南羅水為名屬寧川

皇朝因之天寶元年改為真寧縣

子午山亦曰橋山在縣東八十里黃帝陵在山上即羣臣
黃帝冠之處史記曰漢武帝北巡朔方還祭黃帝冢于橋
山曰吾聞黃帝不死今有冢何也或對曰黃帝已上僊群
臣莫其衣冠故有冢

襄陽州西南至本漢襄陽縣屬上郡後魏孝文改洛

為樂屬襄陽郡後魏開皇三年改屬寧州皇

朝因之

秦故道在縣東八十里子午山始皇三十年向九原抵雲

陽即此道也

彭原縣州一百里本漢彭陽縣地在今縣理西南六十里

臨涇陽縣界彭陽故城是也暨于後漢又為富平縣之地
後魏破赫連守後于此復置富平原南北八十一里東西
六十里

定平縣 上北至 自漢至晉並泥陽縣地後魏至周並為

安定縣地大業十年於此築城置來社驛武德二年於驛

分安定縣置平定縣其驛移出城北

豐義縣 上東南至 本漢彭陽縣地今縣理西四十里彭

陽故城是也後魏于縣理置雲州周武帝保定二年廢州

為勅道文書處防名為豐義城武德二年分彭原縣置豐

義縣其舊城為名屬彭州貞觀元年州廢縣屬寧州

慶州 上 州九十一里七十九百八十一

雙田

為負雍州之域古西戎地周本紀曰夏比政衰后稷子不
密奔豳侯之間公理中南山三里有不密故城是也春秋
及戰國時為秦國秦厲公伐并之豳其王業渠至始

皇時屬北地郡按今州理即漢前北地郡志屬化城郡後
漢郡境為虜所侵北地郡寄寓馮翊後魏文帝大統十一
年置朔州周武帝保定元年廢朔州為周武防隋文帝開

皇三年改置合川鎮十六年割寧州歸德縣置慶州王嘉
名也義寧元年為弘化郡天寶元年改為安化郡至德元

年改為順化郡

州境東西二百五十三里

八到東南至上都五百七十里

東北至延州四百四十里

東至延州六百二十里

西至原州三百九十里

南至海州一百二十七里

北至鹽州五百七十二里

貢賦開元貢牛蘇麝香

管縣十

順化 樂蟠 馬嶺 合水 華池 同川

洛川 延慶 方渠 懷安

順化縣中 郡下本漢郁郅縣後漢迄晉戎虜所侵不立州縣

後魏及周以為鎮防開皇十六年於今州城西南一里置

合水縣在馬嶺白馬二水口內以為名屬慶州大業二年

以慶州為弘化合水屬焉至武德二年改合水為合州縣

取隋合川鎮為名貞觀二年改為弘化縣天寶元年改為

安化縣至德元年改順化縣

不窰墓在縣東二里

樂蟠縣中 北至中 本漢略畔道地也今縣理北五里略

畔故城是也後魏及晉為虜所侵逼此地無復郡縣後魏

文帝於此置蔚州周武置北地郡隋開皇二年罷郡以彭

陽襄樂二縣屬寧州義寧元年分合水縣置樂蟠縣屬弘化郡取樂蟠城為名也百官表云縣有蠻夷曰道按略畔樂蟠皆指此城方言訛舛故不同耳

馬嶺縣中 東南至本漢歸德屬北地郡漢末為虜所侵至後魏為湖澤之地隋大業元年分合水縣于此置馬嶺

縣復漢縣之舊名也十三年隋賊縣廢義寧二年于今縣理北四十里百家堡置馬嶺縣屬弘化郡以縣西一里有

馬嶺坂因名

秦長城在縣西北一百二十六里即蒙恬所築

合水縣中 西至本漢略畔道之地在今縣西南三十八

里故城是也自後漢至晉此地皆無郡縣至後魏為襄樂

縣之地武德六年分合水縣置蟠文縣以城臨大小築蟠

二水交口因以為名天寶元年改為合水縣

華池縣下 西南至本漢歸德縣地也按漢歸德縣今

洛源縣是隋仁壽二年于今縣東北二里庫多汗故城置

華池縣因縣西華池水為名屬慶州皇朝因之

子午山舊名程道山在縣西四十五里

同川縣中 東至本漢都野縣地義寧二年分寧州之

彭原縣西南十五里三泉故城置三泉縣屬弘化郡武德

元年改為慶州縣屬馬仍改為同川因同川城為名

洛源縣 中下 東南至州 二百七十五里 本漢歸德縣地屬北地郡後漢

更始二年封岑彭為歸德侯謂此地也後漢迄晉無復郡
縣後魏文帝天統元年復置歸德縣大業元年改為洛源

縣因洛水所出為名皇朝因之

洛水源出於山名女郎山在縣北三十里

延慶縣 中 南至本漢都郵縣地 後魏於今縣理置翔州

隋開皇中改置合水縣武德六年移豐州戶住此仍分合

水縣置白馬縣西臨白馬川水為名天寶元年改名延慶

縣

方渠縣 中下 東南至古慶匡州倉在馬嶺川內 因渠為

名景龍元年置取漢縣為名縣西北馬嶺山諸谷水東南

流經縣新置方渠堡因名之

懷安縣 下 南至州 一百六十里 石居近常項落開元十年檢逃戶

所置故以懷安為名

鄭州 洛交 開元戶三萬一百八十五 鄉五十一

墾田

三為廊坊觀察理所

營州四

鄭州 坊州 丹州 延州

縣二十四 都管戶四千三百四十七

禹貢雍州之域春秋時屬秦至始皇時地屬上郡漢為上郡雕陰縣之地按漢雕陰在今洛交縣北三十里雕陰故城是也暨晉陷于戎羯不置州郡苻姚置杏城鎮後魏孝文帝廢鎮改為東秦州孝明帝改為北華州廢帝改為郡州因秦文公夢黃蛇自天降屬于地遂于郡衍立郡時為名大業初復為上郡武德元年復為鄜州貞觀二年加為都督府十六年罷府州城舊名立交城

州境東二百六十七里
南二百七十三里
西二百七十七里
北二百七十七里
東至上都四百七十九里
東南至東都九百五十九里
東至州一百八十三里
北至州一百八十三里
西至慶州三百九十八里

南至坊州一百二十五里
北至延州一百五十五里
貢賦開元貢賦同
元和貢賦同
管縣五
麻布

洛交 洛川 三川 直羅 甘泉

洛交縣本漢雕陰縣地屬上郡雕山在西南故曰雕陰魏省上郡晉為戎狄所居苻堅時為長城縣後魏及周為三川縣隋開皇十六年分三川二縣置洛交縣屬鄜州洛水之交故曰洛交皇朝因之

洛水在縣南一里

秦長城在縣東北三十里

偽夏太后城在縣西三十六里赫連勃：開劉裕滅姚泓命其子義真守長安大悅自將兵入長安留太后于此築城以居

洛川縣州上西北至本漢郿縣地後秦姚萇于此置洛川

縣以縣界有洛川水為名後魏置敷城郡開元三年罷郡

以縣屬鄜州

三川縣中東北至本漢翟道縣地古三水郡以華池水

黑源水及洛水三川同會因為名符堅時于長城原置長

城縣屬長城郡後魏廢帝改為三川屬中部郡開皇三年

屬鄜州

直隴縣中東至本漢雕陰縣地後魏因之魏省雕陰

縣晉時戎狄所居後魏置三川郡隋開皇三年使戶部尚

書崔仲方築城以居之城枕羅原水其川平直故名直羅

城武德三年分三川洛交於此置縣因城為名

大槃山在縣西北一百一十里

羅川水在縣南二里

甘泉縣中南至武德元年分洛交縣於伏陸城置縣

取城為名天宗元年改為甘泉縣本漢雕陰縣城今在縣

南四十里

伏陸山在縣理東北有阿伏斤谷其水出又潛流伏川陸

故號伏陸天寶元年改為甘川谷
坊州中部 開元戶一萬五千七百一十五 鄉四十四
元和戶一千八百四十三 鄉十二

壘田

尚貢雍州之域古之翟國秦屬內史漢為左馮翊翟道縣
之地魏晉陷于夷狄不置郡縣劉石符姚時于今州理西
七里置古城鎮常以兵守之後魏孝文帝改鎮為東秦州
孝明帝改為北華州廢帝改為鄜州元皇帝以周武帝時
天和七年放牧于今州界置馬坊結構之處尚存武德二
年高祖駕幸于此聖情永感因置坊州取馬坊為名
州境東西三百八十九里
南北一百三十九里

八到 東至上都三百五十里

東至東都五百里
東南至同州二百五十里
西南至如州三百一十里
東北至丹州二百六十里
北至鄜州一百五十里

貢賦 開元貢 兗 麟 嘉 桑 麻 弓 絳 麻
元和貢 同 兗 麟 嘉 桑 麻 弓 絳 麻

管轄四

中部 宜君 吳平 鄜城

中部縣上 本漢翟道縣之地屬左馮翊魏晉戎翟所居後
秦姚興於今縣南置中部縣後魏文帝移入杏城後周改
為內郡屬鄜州武德二年置坊州改為中部杏城在縣西
南五里相傳云漢將韓胡伐杏木為柵以抗北狄因以為

名

宜君縣上東北至前秦苻堅于殺胡縣故城置宜君護軍後魏太武改為宜君縣文帝大統五年又移于今華原縣北貞觀十七年廢縣地入雍州二十年置宜華宮仍于宮所置宜君縣屬雍州永徽二年與宮同廢龍朔三年坊州刺史竇師倫奏再置玉華宮在縣北四里貞觀二十年奉勅營造其地本縣人秦小龍宅太宗云小龍出大龍入當時以為清涼勝于九成宮永徽二年有詔廢宮為寺便以玉華為名寺內有肅成殿永徽中奉勅令玄奘法師於此院譯經每言此寺即開淨之兜率天也

昇平縣上東至天寶十二年刺史羅希範奏割宜君縣

西北三鄉置去宜君縣三十五里

鄜城縣上東至本漢鄜縣地屬左馮翊後漢省後魏于

今縣理置鄜城縣屬鄜城郡大業元年改屬坊州

丹州成平開元戶一萬二千四百二十二鄉三十五元和中戶八百十六鄉十二

墾田

高貢雍州之域春秋時為白翟所居隋圖經云義川本春秋時白狄地今其俗

云丹州白室胡頭漢古其狀是胡其言習中夏白狄語訛耳近代號為朱落稽胡自言白狄之後秦置三

十六郡屬上郡漢因之魏文帝省上郡其地晉時戎狄居

之苻姚時為三堡鎮後魏文帝大統三年割鄜延二州地

置汾州理三堡鎮廢帝以河東汾州同名改為丹州因丹陽川為名領義川樂川縣隋大業三年廢丹州于義川縣置延平縣十三年為胡賊劉步祿所據義寧七年于義川縣置丹陽郡武德元年改為丹州九年置都督府貞觀元年罷府為州永徽二年移于赤石川

州境 東西一百九十九里 南北一百七十三里

八到 西南至上都五百五十里 東南至東都九百二十里 東至同州三百五十里 南至坊州二百六十里 西至廊州一百八十里 北至延州二百五十里

貢賦 關元貢 霽香 蠟燭 龍鬚席 賦 麻布 元和貢同

管縣四

義川 雲巖 汾川 咸寧

義川縣 上下本漢上郡之地二漢因之魏省上郡其地至晉為戎狄所居後魏文帝大統三年置義川縣屬義川郡

因川為名大業二年廢丹州義川屬延州義寧元年於舊

城復置丹州郡縣在城內永徽二年移于今理

雲岩縣 中東南至武德元年分義川縣置在庫利川南

有雲岩山因以為名

庫利川在縣郭南昔有奴賊居此川內稽胡呼奴為庫利因名之

汾川縣 上 西南至 州七十里 本秦上郡地二漢因之魏省上郡後

魏孝文帝置安平縣理薛川屬樂川郡文帝改安平為汾州開皇三年罷郡縣屬丹州大業二年屬延州武德元年

復屬丹州

黃河在縣東七里河所頓狹狀似槽形鄉人呼為石槽蓋

禹治水鑿石導河之處石槽長一千步濶三十步懸水奔流龜龜魚鱉所不能游

咸寧縣 中下 西南至 州四十五里 本秦上郡之地後魏孝文帝太和

十八年于白水川置永寧縣屬義川郡在今縣東二十里永寧故縣是也文帝改為太平縣移于今所隋文罷郡屬

丹州十八年改太平縣為咸寧以界內有咸寧鎮為名
延州 延安 中都督府 開元戶一萬六千三百四十五 戶六千 元和戶九百三十八 鄉十八

壑田

禹貢雍州之域春秋時白翟所居秦置三十六郡屬上郡

在漢為上郡高奴縣之地今州理即上郡高奴縣之城也

項羽三分秦地以董翳為翟王都高奴即其地也魏省上

郡至晉留為戎狄其後屬赫連勃後魏滅赫連昌以屬

統蘇鎮孝文置金明郡宣武帝至東夏州廢帝改為延州

以界內延水為名置總管丹延綏三州開皇八年廢總管

但為延州煬帝以為延安郡隋氏喪亂陷于殘寇武德元年百姓歸化置總管府開元二年為都督府尋罷府為州

州境東四百四十九里
南三百五十一里

八到西南至上都六百七十四里
東南至東都一百一十里

東至涇州三百六十里
東至廊州一百五十里

東至慶州四百四十里
北至夏州四百四十里

貢賦開元貢 蜜蠟 香 布
元和貢同 賦 麻布

管縣十

膚施 延長 臨真 金明 豈林 延川

敷政 延昌 延水 門山

膚施縣上本漢舊縣屬上郡趙武靈王滅齊中山遷其
下本漢舊縣屬上郡趙武靈王滅齊中山遷其

人膚施漢書匈奴南侵至朝那膚施即其處也魏晉陷戎

狄隋煬帝大業二年分豈林豈明二縣於此置膚施縣復

舊名也屬延安郡皇朝因之縣有五龍山帝原水黃帝祠

清水俗名去斤水北自金明縣界流入地理志謂之清水

其肥可燃鮮卑謂清水為去斤水一作筋

延長縣中東至州
一百三十里本秦膚施縣地後魏廢帝元年於丘

頭原置廣安縣隋仁壽元年以廣字犯皇太子名改為延

安縣大業末廢貞觀六年又置移于府北去斤川今縣是

也廣德二年改為延長

臨真縣 中 西北至州 一百四十里 本漢高奴縣地後魏文成帝置臨

真縣屬偏城郡周武帝天和元年稽胡叛攻破郡城遂移

于今理隋開皇元年改為臨真縣屬延安郡皇朝因之

金明縣 中 東南至州 四十八里 本漢高奴縣地魏太武帝于此置廣

洛縣屬金明郡隋開皇四年屬延州後仁壽元年以太子

名廣改為金明縣大業十三年省入膚施縣武德六年又

分置金明縣

豐林縣 中 下 西至州 三十里 本漢高奴縣地後魏孝文帝置廣武

縣屬偏城郡在今理東四十里周宣帝改為豐林屬延州

皇朝因之

吐延水北自綏州經德縣流入

延州 中 西南至州 一百五十里 本秦臨河縣地漢不改後漢省後

魏分置人縣於此地置文安縣隋文帝改為延州取吐延

川為名皇朝因之

吐延水北自綏州經德縣流入

敷政縣 中 下 東北至州 一百五十里 本漢高奴縣地後魏太和初置因

城縣隋文開皇六年於其中置金城鎮武德二年移縣就

鎮因改為金城縣天寶元年改敷政

延昌縣 中 南至州 一百七十六里 本漢高奴縣地開皇三年于此置

朔方鎮十年以北有朔方鎮遂廢貞觀九年置罷交鎮十

年又置罷交縣屬延州取城北罷交谷為名天寶元年改為延昌縣

塞門鎮在縣西北二十里鎮本在夏州寧朔縣界開元二年移就蘆子關南金鎮所安置

蘆子關屬夏州北去鎮一十八里

延水縣中下西至州本秦臨河縣之地史記秦滅六國

使蒙恬北擊匈奴悉收河內地因河為塞築四十四縣城臨河徙謫吏以戍之漢因之在今縣理北十五里臨河故城是也後魏于其中置安人縣并安人鎮屬東夏州隋文帝廢鎮置安人戍武德二年重置安人縣屬延州貞觀二

十三年改為延水縣取吐延水為名

黃河在縣東八里

門山縣中西至州本漢定陽縣地周宣帝大象元年分

汾州雲岩二縣于今縣南六里置北有山形似門因以為名武德八年於今縣北五里宋斯堡置丹州廣德二年割

屬延州

黃河在縣東三十五里

元和郡縣志卷第三

元和郡縣志卷第四

關內道四

靈武節度使

靈州

會州

鹽州

夏州節度使

夏州

綏州

銀州

宥州

振武節度使

單于都護府

東受降城

麟州 勝州

都防禦使

豐州

天德軍

中受降城

西受降城

靈州 靈武 大都督府

開元戶九千六百六

元和戶二千七百

鄉

管子三

靈州會州鹽州

縣十

禹貢雍州之域春秋及戰國屬秦秦并天下為北地郡漢
置平縣之地後漢安帝永初五年西羌大擾詔令郡人移
理池陽順帝永建四年歸舊土其城赫連勃所置菓園
今桃李千餘株蔚然猶在後魏太武帝平赫連昌置薄骨
律鎮後改置靈州以州在河渚之中水上下未嘗陷沒故
魏靈州固置總管府大業元年罷府為靈州三年又改為
靈武郡武德元年又改為靈州仍置總管七年改為都督

府開元二十一年於邊境置節度使以遘四夷靈州常為
朔方節度理所朔方節度管兵六萬四千七百八人馬二
萬四千五百疋永賜二百萬疋段

統經略軍 靈武郡城內管兵二萬七百人馬三千疋

豐安軍 靈武鄉西黃河外一百八十餘里萬歲道通天初

置管兵八千人馬一千三百疋

定遠東城 靈武郡東北二百里黃河外景龍中韓公張

仁愿置管兵七千人馬三千疋

西城 九原郡北黃河外八十里景龍中韓公張仁愿置

管兵七千人馬一千七百疋西南去理所一千餘里

安北都護府亦曰中受降城景龍中韓公張仁愿於黃河北岨置管兵六千人馬二千疋西南去理所一千三百里

東城 榆林郡東北二百里景龍中韓公張仁愿置管兵七千人馬一千七百疋西南去理所一千六百餘里

振武軍 單于都護府城內天寶中王忠嗣置管兵九千人馬一千六百疋西南去理所一千七百里

天寶元年又改為靈武郡至德元年肅宗幸靈武即位陞為大都督府乾元元年復為靈州

州境 東西五百八十里 南北八十里

八到 東南至上都一千二百五十里 東南至東都二千二百七十里 東南至靈州三百里 東南至夏州六百二十里 東南至涼州九百里 西南至清涼州九百里 西北至清涼州九百里

貢賦

開元貢 鳥羽 鹿角 鹿皮 紅花 青虫 射音 馬皮 赤檀 馬鞭 花菱蓉 赤檀 馬鞭

管縣六

迴樂 靈武 保靜 懷遠 鳴沙 温池

定遠城 廢

迴樂縣 郭下 本漢富平縣地屬北地郡在今縣理西南富

平故城是也後漢置迴樂縣枕黃河後魏刁雍為薄骨律

鎮將上表請開富平西三十里艾山舊渠通河水溉公私
田四萬餘頃人大獲其利孝文太和七年雍又上表論漕
運奉詔平高安定統萬平高今屬原州安定
今涇州統萬今夏州及臣所守四
鎮出車五千乘運穀五十萬斛付沃野鎮以供運糧臣鎮
去沃野鎮八百里道多深沙輕車往來猶以為難今載穀
二十五斛每至深沙必至滯陷又穀在河西轉至沃野越
渡大河計五十乘運十萬斛百餘日乃得一返大廢生人
耕墾之業車牛輓阻維可令至一歲不過三運五十萬斛
乃經三年臣聞鄭白之渠遠引淮海之粟沂流數千里周
年乃得一至猶稱國有儲糧人用安樂今求于埽岷山河

水之次造船二百艘二船為一舫一舫乘二千斛一舫十
人計須千人臣鎮內之兵卒皆習水一運二十萬斛方舟
順流五日而至自沃野牽上十日還到計用人工輕于車
運十倍有餘不費牛力又不廢田孝文帝善之下詔曰非
此一運自可永以為式

溫泉鹽池在縣南一百八十三里周迴三十一里

薄骨律渠在縣南六十里溉田一千餘頃

安樂川在靈州南稍東一百八十里

長樂山舊名達樂山亦曰鐸落泉山以山下有鐸落泉水
故名舊土渾部落所居今土蕃置兵守之

靈武縣上東南至本漢富平縣之地後魏破赫連昌叔胡戶徙之因號胡地城天和中於州東北置建安縣開皇十八年改為大潤縣仁壽元年改為靈武縣移入胡地城安置黃河自迴樂縣界流入

千金陂在縣北四十二里長五十里濶十里

漢渠在縣南五十里逆漢渠北流四十餘里始為千金大陂其左右又有胡渠御史百家等八渠溉田五百餘頃

保靜縣上西南至本漢富平縣地後魏立弘靜鎮徙關

東漢人以充屯田俗謂之漢城隋改置弘靜縣神龍元年改為安靜至德元年改為保靜

賀蘭山在縣西九十三里山有樹木青白望如駁馬北人

呼駁為賀蘭其山河東望雲山形勢相接迤邐向北經靈

武縣又西北經保靜西又北經懷遠縣西又北經定遠城

西又東北抵河其抵河之處亦名乞伏山在黃河西從首

至尾有像月形南北約長五百餘里直造城之拒防山之

東河之西有平田數千頃可引水溉灌如畫收地利足以

贍給軍儲也

懷遠上南至州一在州東北隔河一百二十里本名飲

汗城赫連勃以此為麗子園後魏給百姓立為懷遠一

縣其城儀鳳二年為河水汎損三年於故城西更築新城

縣有鹽池三所隋廢紅桃鹽池藍色似桃花在縣西三百二十里武平鹽池在縣西北一十二里河池鹽池在縣東北一百四十五里

廢靈武城在縣東北隔河一百里其城本蒙恬所築古謂之渾懷障即渾懷所理道故謂之靈武

新堡在縣西北四十里永昌元年置堡內安置防禦軍二千五百人糧五石石舊名千金堡今名新堡

鳴沙縣上 東北至州 一百二十里本漢富平縣地屬安定郡在今縣理東二百里原州周保定二年於此置會州建德六年廢郡立鳴沙鎮隋文開皇十九年置環州以大河環曲為名

仍立鳴沙縣屬馬大業三年罷環州以縣屬靈武郡貞觀六年復置環州九年州廢以縣屬靈州神龍二年冬為默啜所寇因而荒廢移縣于靈州安城即今縣理是西枕黃河人馬行經此沙隨路有聲異于餘沙故稱鳴沙

溫池縣上 西北至州 一百八十里神龍五年置縣側有鹽池

定遠城廢在州東北二里即漢北地郡方渠縣之地先天二年鄭元振以西城遠濶農安勢孤中間十里無城烽候杳渺故置此城有兵募健壯五百人以鎮之其後信安王禧更築三馬城幅員一十四里

經畧軍在夏州西北三百里天寶中王忠嗣奏于榆中

城置軍今屬靈武節度本屬夏州南去靈武六百五十餘

里元和九年於此城新置宥州

會州會寧 開元戶三千五百四十 鄉六

禹貢雍州之域古西羌地周太祖為西魏相來巡會師于

此土人張信罄資糧食六軍太祖悅因命置州以會為名周

武帝保定二年廢州改為會防隋開皇元年改防為鎮武

德二年討平李軌置西會州貞觀八年以此州倉儲穀實

改為業州其年又為雷州天宗元年改為會靈郡乾元元

年復為會州

州城東西五百二十里 南北三百三十里

八到東南至上番一十一百九十里

東南至源州三百九十里

西南至靈州三百一十里

西北至涼州五百四十里

東北至靈州五百三十里

貢賦開元貢 實錄結

管隸二

會寧 烏蘭

會寧縣 上本漢朝陰縣地周太祖置會寧縣屬會州大業

二年改為涼州縣武德二年又改為會寧

黃河堰開元七年河流漸逼州城刺史安敬忠率團練兵

起作接河水向西北流遂免淹沒

會寧關東南去州一百八十里

河地西去州一百二十里其地春夏因雨水生鹽雨多鹽

少雨少鹽多遠望似河故名河地

烏蘭縣上東南至州一百四十里本漢祖厲縣地屬安定郡後漢屬

武威郡前涼張軌收其縣入于涼州故武威縣側近別置

祖厲縣周武帝西巡於此置烏蘭關又置縣在會寧關東

南四里舊城內沙石不堪久居天授二年移于東北七里

平川置

鹽州下平川關二十五年

禹貢雍州之域春秋為戎狄所居地史記梁山經涑之北

有美里謂之也及始皇并天下屬梁州漢武元朔二

年置五原郡地有原五所故號五原至晉地沒隸連勃

後魏平之改為西安州以其北有鹽池又改為鹽池大業

三年為揚州郡貞觀二年討平梁師都郡鹽州天寶元年

改為五原郡乾元二年復為鹽州

州境東西二百四十五里

八到南至上都一百五十里

東至東都一百七十里

南至慶州四百五十里

西北至靈州三百里
西北取焉北黑河圖鹽州四百里
貢賦關之貢鹽上四十顆

管縣二

五原 白池

五原縣上本漢馬嶺縣地貞觀二年與州同置五原謂龍遊原乞地千里青嶺原可嵐貞原橫櫓原也

鹽池四所一烏池二白池三細頂池四尾窰池烏白二池出鹽今度支收難毛窰細頂並廢

白池縣州上東南至景龍三年初置以地近白池因以為名

宥州在鹽州北百四十里調露元年於靈夏南界置嘗麗倉塞依契等六州以處突厥降戶時人謂之六胡州長

安四年併為匡長二州神龍三年復置蘭池都督府在鹽州白池縣北八十里仍分六州各為一縣以隸之開元十一年康大寶叛亂於此尅定後遷其人于河南江淮諸州二十六年赦其餘徙于此置宥州以寬宥為名也後為寧州郡領縣三懷德歸仁延恩寶應後廢其本末具新宥州

夏州 新方 開元戶六千一百三十二 冊二十
中節督府 元和戶三百 冊八

今為夏州綏銀節度理所

管州四

夏州 綏州 銀州 宥州 新置

縣十二

禹貢雍州之域春秋及戰國時屬魏秦并天下置三十六郡屬上郡漢武帝分置朔方郡後漢建武二十年罷二十七年復置靈帝末羌胡亂塞下皆空至晉末赫連勃勃於今州理僭稱大夏勃守屈丐朔方匈奴人父衛辰符堅時為西單于遂有朔方之地辰後為後魏所殺勃殺高平沒單于并其眾自稱大王子朔水之北黑水之南營起都城即今州理是也名曰統萬城至于昌為魏太武所滅置統萬鎮孝文太和十一年改置夏州大業元年以為朔方郡隋末為賊師梁師都所據貞觀二年討平之改為夏

州首都督府天寶元年改為朔方郡乾元元年復為夏州

也

州境東西二百一十五里南北七十里

八到東南至上都一千五十里東南至東都一千八百五十里東至銀州一百八十里

南東至延州四百里西南至鹽州三百里

西北至豐州七百五十里

貢賦 問元 賦 貢 麻布 絁 蘇 苴 霜 薺

管縣四

朔方 德靜 寧朔 長澤

朔方縣 郭上 本漢舊縣今縣理北什貢故城是漢末荒廢

後魏更置巖錄縣隋因之貞觀二年改為朔方縣
契吳山在縣北七十里十六國春秋曰赫連勃：北遊契
吳歡曰美哉臨廣澤而帶清流我行地多矣自馬頰以北
大河以南未之有也

無定河一名朔水一名奢延水源出縣南百步赫連勃
於此水之北黑水之南改築大域名統萬城今按州南無
奢延水唯無定河即奢延水也古今異名耳烏水出縣黑
潤東注奢延水本名黑水避周太祖諱改名烏水初統萬
城成勃：下書曰今都城已建宜立美名朕方統一天下
君臨萬國宜以統萬為名其城土色白而牢固有九敵峻

險非力可攻郵道元云統萬城蒸土加功堆堞雖久崇墉
若斯

什賁故城在縣理北即漢朔方縣之故城也詩所謂王命
南仲城彼朔方是也漢武帝元朔二年收河南地置朔方
五原郡使校尉蘇建築朔方公孫弘數諫以為罷敞中國
以奉無用之地願罷之上使朱買臣難弘糞十策弘不得
一由是卒城之亦謂此也自漢至今常為閩中根植什賁
之號蓋蕃語也城西南有二鹽池大而青白青者名曰青
鹽一名戎鹽入藻分也故白城一名契吳城在縣北一百
二十五里契吳山赫連中因山所築勃：嘗所數美故其

子昌因立此城以立勃之廟

勃：墓在縣西二十五里隋置白城鎮後廢

德靜縣 中下 西南 至州八十里 蓋漢朔方縣地周武帝於此置彌渾

成南有彌渾水因名隋改為德靜鎮尋廢鎮為縣皇朝因

之

無定河自朔方縣界流入

秦長城在縣西二里

寧朔縣 中下 西北至 本漢朔方地周於此置寧朔縣屬

化政郡自隋罷郡以縣屬夏州皇朝因之

賀蘭山在縣東北三十里

秦長城在縣北十里

長澤縣 中下 東北至 本漢三封縣地屬朔方郡今縣北

二十里三封故城是也後魏於此置長澤縣屬開熙郡隋

罷郡以縣屬夏州皇朝因之

開熙故城在今縣西南二十里

百井戍在縣南八十里勃：与秃髮樛禮戰處

胡洛塩池在縣北五百里周迴三十里亦謂之獨樂池聲

相近也漢有塩官

綏州 上郡 開元戶八千七百十五 鄉二十八 元和戶八百四十 鄉一十二

禹貢雍州之域春秋時其地為白狄所居七國時屬魏

記曰魏有西河上郡秦并天下始皇置三十六郡為上郡
 漢高帝元年項羽立董翳為翟王後廢復為上郡漢武帝
 徵六郡良家子為羽林郎上郡即其一也按秦上郡城在
 今州理東南五十里上郡故城是也自後漢末已來蕭廢
 年久俗是稽胡反赫連勃：都于統萬上郡之地又為赫
 連部落所居後魏明帝神龜元年東夏州刺史張邵于此
 置上郡廢帝元年於郡內分置綏州隋煬帝又改為上郡
 後又改為離陰郡以離山在西南故名隋亂陷賊武德二
 年百姓歸化遂于延州豐林縣置綏州總官貞觀二年討
 平梁師都廢府移州于今理

州 廣 東 西
 南 北
 八 到 西 南 至 上 部 一 千 里
 東 南 至 東 部 一 千 四 百 里
 東 至 石 州 二 百 七 十 里
 西 至 夏 州 三 百 六 十 里
 西 南 至 延 州 三 百 三 十 里
 西 北 至 銀 州 一 百 六 十 里
 東 北 至 太 原 五 百 九 十 里

貢賦 開元
 賦 蠶 我 百

管縣五

龍泉 延福 綏德 城平 大斌

龍泉縣 中下 本秦膚施縣地二漢同後魏于此置上縣取
 郡馬名開皇三年上縣屬綏州大業二年改綏州為上郡

又改為雕陰郡上縣咸屬焉皇朝因而不改天寶元年改為龍泉

疏屬山亦名雕陰山即山海經云二負之臣曰危与二負然窳窳帝乃括之疏屬山即此也

無定河一名奢延水自銀州撫寧縣界流入

州城貞觀元年築甃中四面石崖東面高八十尺西面高百四十尺南面高四十尺北面高百二十尺周迴四里二百步

上郡故城在縣東南五十里始皇使太子扶蘇監蒙恬于上郡即此處也

吳白城在縣西北四十里初赫連勃勃破劉裕于義真于長安道虜其焚此城以居之號吳白城

延福縣中下西至州本秦膚施縣地後魏置延陵縣理

延陵村隋文帝改為延福皇朝因之

綏德縣中下北至州一百里本秦上郡之地漢不改魏省上郡

後魏文帝分上郡南界丘尼谷置綏德縣隋不改皇朝因之武德二年移于吐延水北即今理是也

城平縣中下東北至州二百里本秦膚施縣二漢不改後魏孝明帝

于今縣理西三十里重仁川置城中縣隋改為城平縣自庫仁川移于今理屬上郡皇朝因之

大武縣 中下 東至州 一百一十里 本秦虜施縣之地後魏孝明帝神

龜元年於今縣東五里置天武縣屬上郡周隋不改武德

七年於今城平縣界魏平故城改置因隋舊名大武者取

稽胡懷化之武襟半之義 銀州 開元戶六千一百二十 鄉十九

禹貢雍州之域春秋時屬狄地秦并天下始皇分三十六

郡屬上郡漢為河西郡固陰縣之地晉十六國時為戎狄所

屬苻秦建元元年自駝馬城巡撫戎狄其城即今州理城

是也周武帝保定二年分置銀州因谷為名舊有人牧駝

馬於此谷常語駝馬為乞銀大業二年廢銀州縣屬離陰

郡隋末陷于賊貞觀二年梁師都都于此重置銀州天

宗元年為銀州郡乾元二年復為銀州

州城 中 西 二百七十一里 南 西 三百三十八里

八到 西南 至上都 一千六百里 東南 至東都 一千四百里

東至石州東黃河一百六十二里

西至夏州一百八十里

東至靈州一百六十二里

東至三州三百里

貞賦 東 北 三百里 西 三百里 南 三百里

儒林縣 中下 本漢固陰縣地以其在固水之陰故名開皇

三年於此置儒林縣屬銀州大業二年廢銀州以縣屬雕
陰郡貞觀二年重置銀州縣又屬焉

無定河自夏州界流入

真鄉縣中下西至漢固陰縣地周武帝保定二年置今

縣屬銀州皇朝因之

茹蘆水源出縣理西北

開光縣中下西南漢固陰縣地周武帝保定二年於今

縣理置開光郡宣帝大象二年廢郡置開光縣屬撫寧郡

開光三年罷郡以縣屬銀州皇朝因之

本漢固陰縣地魏廢帝于縣東撫寧

故城置撫寧縣屬撫寧郡開皇三年廢郡以縣移于今理

屬銀州皇朝因之

無定河在縣北二十里

廢有所在州東北三百里開元十六年置寶應已後廢

事本末具詳前州

新州在夏州西北三百二十里在靈州東北三百里

百里東南至夏州路至上都一千三百里東去麟州六

本在靈州北三百里初調露三年于靈州南界置魯鹿

倉塞依契等六州以靈天戰降戶時人謂之六胡州長安四

年併為匡長二州神龍三年復置蘭池都督府在靈州白

池縣北八十里仍分六州各為一縣以隸之開元十一年
康待賓叛亂克定後遷其人于河南江淮諸州二十七年
逐其餘黨遂于此置宥州以寬宥為名也後為寧朔郡領
縣三懷德延恩歸仁天寶中宥州寄理經略軍寶應已後
因循遂廢由是昆夷黨項奚來寇擾元和八年冬回鶻南
過碛取於城各器計吐蕃意是為寇唯中書侍郎平章
大光以為回鶻聲言計吐蕃意是為寇唯中書侍郎平章
事李吉甫以為回鶻入寇且當斷絕和事不應便來犯邊
今之多亡吉甫則橫生異議深沮邊計及開邊警之承虛
聲以洵朝廷蓋州幾危樞軸特事當設備不足為慮自

請自夏州至天德軍復置廢館一十一所以通急驛又請
道州騎士五百人營于經略故城應援驛使兼護黨項部
落上卷述之又上言曰國家萬里六胡州在靈州界內開
元中廢六州置宥州以領諸降亡天寶末宥州寄理于經
略軍蓋以謂營中可統統蕃部北接天德南據夏州今
經略軍遠臨碛武備廢弛又下置軍鎮非舊制也請置
宥州理經略軍至九年五月詔復于經略軍城置宥州乃
為上州於州郭下置延恩縣為上縣改隸夏綏銀觀察使
取節城神策行營兵馬使鄭果下兵士并家九千人以實
經略軍又置州之曰版築之下掘得金二百五十四口志

其意任識者以為暗合前賢之規摹亦足以彰玄化之所
感也其蓋並散給諸營以資軍用又頃年每有回鶻消息
常須經太原取驛路至關下又奏報到已失事宜今自新
州州北至天德置新館十一所從天德取是州乘傳奏事
四日餘便至京師
單于大都護府今為振武節度理所

營州二

麟州勝川

縣六

東受堅城在朔州北三百五十里本漢定襄郡之盛樂縣

也後魏都盛樂亦謂此城武德四年平突厥于此置雲州
貞觀二十年改為雲州都督府懿德二年改為單于大都
護府垂拱二年改為鎮州後聖曆元年改置安化都護開
元七年降萬東受降城八年後置單于大都護府

州培東西

八到西南民太原路至上都一百二十里

東南至東都一百二十里
東南至河東龍通軍一百二十里
西南至河東龍通軍一百二十里
西南至成都一百三十里
北至黑沙磧口七百里

管縣一

金河

金河縣中下 天寶四年於城內置其振武軍景龍二年張
仁息於今東受降城置天寶四年節度使王忠嗣移于此
金河即後魏什翼犍所都盛樂之地道武遷都平城即今

雲州所理是也

麟州 新秦 天寶戶
元和戶

出貢雅州之域秦漢為雲中郡隋開皇二十年置榆林縣
改為勝州天寶元年王忠嗣奏割勝州連谷銀城西縣置

勝州

州境 東西南北

八到 西南至上都一千四百六十里
東南至東都一千五百一十里

東至嵐州一百八十里
東至嵐州界黃河一百二十里河上有合水關
東北至勝州四百里
西南至銀州三百里

貢賦

管縣三

新秦 連名 銀城

新秦隸 漢武帝徙貧人于關中以西及朔方以南
謂之新秦天寶元年置以為縣取漢舊名也

連谷縣 中下 南三 本漢同陰縣地屬西河郡在今銀州

儒林縣界隋文帝於此置連谷鎮煬帝改為連谷城大業

十三年廢成貞觀八年於廢成置連谷縣屬勝州天寶元

年割屬麟州

連谷鎮縣理城中貞觀八年置

銀城縣中下北至本漢固陰縣地屬西河郡漢末大亂

匈奴侵邊雲中西河之間其地遂空訖于魏晉不立郡縣

後魏時置石城縣廢帝改為銀城閔武帝保定二年移于

廢石窰鎮城即今縣理是也貞觀內之屬勝州天寶元年

屬麟州

勝州榆林開元戶四千九十五鄉十三

禹貢雍州之域春秋為戎狄地戰國時為晉趙地、理志

云雲中立五原本戎狄地趙有之始皇分三十六郡為雲

中郡漢因之不改按漢雲中在今州理東地四十里榆林

縣界雲中故城是地漢末大亂匈奴侵邊其城遂空晉末

赫連氏赫連勃稱夏都于統萬按統萬城在今州理西南八百里夏州是也後魏太武

平赫連昌之後託於周代徃、置鎮不立縣郡隋文開皇

三年此置榆林縣七年又置榆林縣屬雲州二十年割雲

州之榆林富昌金河三縣置勝州立嘉名也煬帝大業五

年以勝州為榆林郡領榆林富昌金河三縣十五年郡人

郭子和以城入突厥武德四年郭子和歸國其地又陷梁

師都貞觀二年平師都三年仍隋舊理置勝州時柴紹到

蘭破滅由奴奪得河南之地因置州以決勝為名

州境

東南西北
西南至上都一千八百五十三里
東南至東都一千九百四十里
西南至蔚州四百里
西南至夏州九百里
南至銀州七百里
北至豐州七百里

貢賦
開元
賦
布
麻
粟

管縣二

榆林
河濱

榆林縣中下郭下本漠沙南縣地屬雲中郡漢末北虜後擾歷魏晉及訖此地皆無縣邑隋開皇七年置榆林縣地北近榆林即漢之榆溪塞因名屬雲州二十年改為勝州皇朝因之

黃河西南自夏州朔方界流入

又有小葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝開之以通屯倉

金河泊在縣東北二十里週迴十里

雲中故城在縣東北四十里趙雲中城秦雲中郡

趙武靈王北破林胡樓煩所置秦因之

隋榆林宮在州城內煬帝大業二年置因榆林郡為名其

煬帝北巡陳兵塞素以威北狄因幸此宮突厥啓人可汗

獻馬及兵器新帳因賦詩云：

榆林關在縣東三十里東北臨河秦却匈奴之處開皇三年於此置城置榆林關

河濱縣中下本漠沙南縣地屬雲中郡訖于魏晉此地不

立縣邑至後魏及周復銀城縣地隋時復為榆林縣地貞

觀三年於此置河濱縣東臨河岫因以為名改雲州為威

州立嘉名也八年廢威州以縣屬勝州

黃河在縣東一十五步闊一里不通船楫即河濱關渡河

處名君子津

河濱關在縣東北貞觀七年置

豐州十一

今置都防禦使管 天德軍 西受降城 中受

降城

共都防禦使及天德軍使理在丙城今移理舊天德軍

城 開元戶一千九百 鄉五

禹貢雍州之域秦上郡之北境秦末沒胡武帝元朔二年

使衛青還去匈奴開置朔方須縣十理在三封在今豐州

西一百里後漢因之肅帝末羌胡擾亂城邑皆空永嘉後

匈奴衛辰父子新居其地辰子赫連勃勃自稱大單于統

萬城也屬勃後魏太武擒滅赫連昌置統萬鎮孝文改

置夏州其地又為夏州之北境周武帝於今永豐縣置永

豐鎮隋文帝開皇三年於鎮置豐州後廢貞觀四年突厥
降附又權於此置州都督府不領縣唯領蕃戶以史大柰
為都督十一年大柰死復廢府以地屬靈州二十二年又
分置豐州永徽九年於州復重置永豐縣四年於郭下又
置九原縣麟德元年又置豐安縣天寶元年改為九原郡
乾元二年復為豐州

州境

八到
向至上都一千八百里
南至東都一千二百九十里
東至勝州五百三十里
西南至靈州九百里
東南至夏州七百五十里
西北至河西城八十里

貢賦 開元

管賦

九原 永豐

九原縣 本漢之廣牧舊地中郡部都尉所理其九原
縣水又四年重置其九原時間俗謂之甘草城

永豐縣 本下六縣之漢臨戎舊地後漢末廢九人又謂
之賀葛其城周武保定三年於此置永豐鎮開皇五年廢
鎮置永豐縣麟德六年省永徽九年復置

廢豐安縣在州東南四十里開皇六年於縣置豐安鎮麟
德元年改為豐安縣天寶末廢

大德軍舊理在西安城權置軍馬于太安北都護貞觀

二十一年於今西安降城東北四十里置燕然都護以瀚

海牙六都督自開元七年並隸焉龍朔三年移于碛北回紇

本部仍改名瀚海都護總章二年又改名安北都護尋移

于甘州東北一千一十八里隋改大同城鎮垂拱元年置

回城鎮其都護權移理剛州縣西南九十九里西安城景

龍二年又移理西受降城開元十年又移理中受降城天

寶八年復齊立又於可敦城置橫塞軍又自中受降城移

理橫塞軍十二年安思順奏廢橫塞軍請于大同川西

界城置軍玄宗賜名曰太安軍十四年築城功軍移太安軍

理焉乾元後改為天德軍緣吾人枝少遂西南移三里權
居永清柵其理所又移在西受降城自後頗為河水所侵
至元和八年春黃河之溢城四面毀壞轉多防禦使周懷

義上表請修築約當錢二十一萬貫中書侍郎平章事李

吉甫密陳便宜以西戎費用至廣又難施功請修葺德舊

城以安軍鎮其大略曰伏以西城是開元十年張說所築

今河水來侵已毀其半巨量其事勢不堪重修若別築新

城所費殊廣計其人功糧食及改屋宇比及事畢不下三

十萬貫錢此但計費猶未知出入之處城南西即為水所

壞其子城猶聖宇量留一千人足得住居天德軍士合抽

居舊城豈可更居版築虛棄錢物若三城是國家盛制仁
原舊規亦須得天德添兵然後有人修築按天德舊城在
西城正東微南一百八十里其處見有兩城今之永清柵
却舊氏大同城舊理去本城約三里已下城甚窄小今隨
事宜置仍存天德軍額北城周迴一十二丈高四丈下濶
一丈七八天寶十二載安思順所置其城居大同川中當
北戎大谷南接平鄆山南又是麥泊其地良沃遠近不如
天寶中安思順朝于儀守本築此城擬為朔方根本其意
以中城東城連振武為左翼又以西城豐州連定遠為右
臂南則帶朔北制向此左右鉤帶居中處安誠長久之規

也子厚為山有事于儀留老弱于此城身率大眾河北討
賊為城將未及人所破縱火焚燒遂移天德軍永清柵別
置理所于西城只添兵未得且曰所併在一處力所不
足豈非三圖臣又計略已計并約修此城不過二萬貫錢
今若于天德舊城增築自有後法何取或隸于天德
軍別置使名自為雄鎮以軍勢可奮殊麟詔從之於是復
移天德軍理所於舊城而先是綠邊居人常苦室宇當損
之所侵掠投竄山谷不知所從及新城成功之日遂有三
萬餘家移止城內初議者又慮城大照人以實及是遠近
奔湊邊軍益壯人心遂安沃野故城在軍城北六十里即

是後魏時六鎮從西第一鎮也

州境東西

八列西取寧遠鎮故落鹽池經夏州至上都一千八百里

西北至橫塞軍城二百八十里

西南至新賓州六百二十里

東受降城今漢中郡地在榆林縣東北八里今焉振武

節度

八列城南至上都一千八百六十里二十里

東北至單于都護府一百二十里

西至中受降城三百里

北至磧口八百里

武川城今名里城後魏六鎮從西第三鎮在軍北三百里

自此出石門障即也祿城石人司奴之路

光祿城東北有懷朔古城其城即後魏六鎮從西第二鎮

在今中城界向北北柵城之也

中受降城本漢九原郡地漢武帝元朔二年更名五原開

元十年於此城置安北大都護府後又移徙事具天德軍

敬武古城在中城北四十里鄭震車錄曰時人以張仁惠

河外築三城自古未有今敬武城周一萬八百七十二步

壞墜深峻亦古之堅守骨石古述曰以地理求之前代

九原郡城也

城向至上都一千八百六十里
東南至東都舉單于路二千一百二十里

東至中受降城三百里
西北至天德東二百里
南至麟州四百里
北至碛口五百里

西受降城舊天德軍理于此城元初為河水所壞至開元

漢則少郡地臨河縣故理處開元初為河水所壞至開元

十年總管張說於故城東別置新城今城一本云西南隅

又為河水所壞本天德軍

城南至上都一千八百八十里
東南至東都取單于路一千五百里

正東微南至天德軍一百八十里
東南渡河至豐州八十里

北至碛口三百里碛口西至河朔衙帳二十單五里

古之受降城景雲三年張仁愿所置也初突厥入寇朔方

軍總管張仁愿為賊所敗詔仁愿代之先是朔方軍比

與突厥以河為界河北海有拂雲堆神祠突厥將入寇必

先請祠祭附求福因取祠木料而後渡河時突厥默啜盡

眾西擊突騎施遣酋仁愿妻請乘虛突取漠南之地於河

北築三道降城首尾相應絕其南寇之路太子少師唐休

璟以為西漢巴來皆北守黃河今於寇境築城恐勞費

功終為賊所育仁愿固請不已中宗竟從之仁愿表留年

滿鎮兵以助其功時咸陽兵二百餘人逃歸仁愿擒獲盡

斬之軍中股慄六旬而三城俱就以拂雲祠為中城與東

卷四 廿七

元本習其之
西兩城相去各四百餘里遙相應接北拓三百餘里於牛
頭年鄆山北界蜂環一下八百許自是突厥不得度山放
牧胡方無復寇掠城鎮兵戍萬人初三城不置墾門及曲
家城其或謂曰邊城禦賊之所不為守備河也仁恩曰寇
若至其當斷力出我迎和製城猶須斬之何用守備生其
畏之也其後節元措為管城東門議者必力之

元和郡縣志卷第四

元和郡縣志卷第五

河南道一

河南府

開元戶一十二萬七千四百四十一
元和戶一萬八千七百九十七

節二百

禹貢豫州之域在天地之中故三代皆為都邑陽翟夏城
禹都也偃師西亳湯都也周成王定鼎于郊師使召公先
相宅乃卜瀕水東亳公姓營之是為一用今河南府東故洛城
又卜瀕水東亳公姓營之是為一用今河南府東故洛城
是也至殷王猷地於秦漢實莊襄王立為三川郡三川伊洛河也
漢改為河南郡後漢光武元平入洛陽遂定都焉及
董卓逼遷獻帝西都長安盡燒洛陽宮廟後又都為魏文

帝受禪亦都洛陽陳留王以司隸校尉所掌置司州領河南河東河內弘農平陽五郡晉武受禪司州不改永嘉初劉曜叛亂司州沒胡後又沒於司勒東晉穆帝永和元年桓溫入洛陽置河南郡宋武北平閔洛復置司州後魏孝文太和十七年六宮文武盡遷洛陽改為河南尹至周宣帝移相州六府於洛州以為東京隋文帝改六府為六尚書省又置河南道行臺省仁壽四年煬帝詔楊素營東京大業元年新都成遂徙居今洛陽宮是也其宮北據邙山南在伊闕之口洛水貫都有河漢之家東去故城一十八里初煬帝嘗登邙山觀伊闕顧曰此非龍門耶自古何因

不建都于此僕射蘓威對曰自古非不知以俟陛下帝大悅遂議都焉其宮室臺殿皆宇文愷創也愷巧思絕倫因此製造頗窮奢麗前代都邑莫之比焉又改洛州為豫州罷牧三年罷州為河南郡置尹四年改東京為東都十四年復置洛州隋亂王充僭號稱鄭改為司州武德四年討平克復為洛州仍置總管府其冬罷府置陝東道大行臺太宗為大行臺尚書令九年罷臺置洛州都督府貞觀十八年廢府顯慶二年置東都則天改為神都神龍元年復為東都開元元年改洛州為河南府天寶元年改東都為東京至德元年復為東都

府境東北 西六百三十一里

八到 西至上都八百五十里

東至鄭州二百八十里

東北至懷州一百五十里

西北至陝州三百五十里

東南至汝州一百七十里

西南至嶧嶺路至陽翟縣二百四十里

從縣至許州九十里

貢賦 開元貢 綾絹 白堊器

管轄二十六洛陽 河南 偃師 緱氏 鞏縣

伊瀾 密縣 王屋 長水 伊陽 河陰

陽翟 潁陽 告成 登封 福昌 壽安

澠池 永寧 新安 陸渾 河陽 温縣

濟源 沁水 河清

河陽等五縣今權隸河陽三城節度

洛陽 赤本秦舊縣歷代相因貞觀六年自金墉城移入郭

內毓德坊今理是也神龍初改為永昌尋復舊號故洛陽

城在縣東二十里按華延儒云洛陽城東西七里南北九

里洛陽城內宮殿臺觀府藏寺舍九有一萬一千二百一

十九門自劉曜入洛元帝渡江官署里閭鞠為茂草後魏

孝文太和十七年幸洛陽巡故宮遂咏泰離之詩為之流

涕觀石經仍定遺都而經始洛京十九年九月新都始立

於是六宮文武盡遷洛陽

洛水在縣西南三里西自苑內上陽之南瀟漫東流宇文

愷斜堤東令東北流當水衝捺堰九所形如偃月謂之月坡今雖漸壞尚有存者

河南縣赤本漢舊縣後魏靜帝改為宜遠縣周宣帝復為河南隋仁壽四年遷都移縣於東都城內寬改坊即今縣是也永昌元年以明堂初成改為合宮縣神龍初復舊二年復為合宮景雲初復舊

洛水在縣北四里伊水在縣南東十八里

灋水在縣西北六十里高貢曰伊洛灋澗既入于河孔安國注曰出河南北山水經云源出河南穀城縣北今驗水西從新安縣東入縣界

天津橋在縣北四里隋煬帝大業元年初造此橋以架洛水用大船維舟皆以鐵鎖鈎連之南北夾路對起四樓其樓為日月表勝之象然洛水溢浮橋輒壞貞觀十四年夏石上令名止累方石為脚爾雅斗牛之間為天漢之津故取名焉

中橋咸通三年造累石為脚如天津橋之制

通津渠在縣南三里隋大業元年分洛水西北名千步磧

渠東北流入洛水謂之洛

偃師縣西南至府七十里本漢舊縣帝嘗反湯盤庚並都之高有

二亳成湯居西亳即此是也至盤庚又自河北徙理於亳

商家後此而改號曰殷武王伐紂於此築城息偃戎師因以名焉天寶七年四月河南尹辛濟奏於偃師縣東山下開驛路通孝義橋於此坡義堂路焉

北邙山在縣北二里西自洛陽縣界東入鞏縣界舊說云北邙山是隴山之尾乃衆山總名連嶺修亘四百餘里

首陽山在縣西北二十五里

盟津在縣西北三十一里

至府本縣古清園也左傳曰秦師滅滑其後

屬晉至秦漢為縣河山為名大業十年移據公路澗西憑岸為城即今縣是也

緱氏山在縣東南二十九里王子晉得仙處

轅轅山在縣東南四十六里左傳樂盈遇周王使後出諸

轅轅注曰緱氏縣東南有轅轅關道路險隘凡十二曲將

去復還故曰轅轅後漢河南尹何進所置八關此其一也

鄂嶺坂在縣東南五十七里晉八王故事曰范陽王保於

鄂坡後于其上置關

洛水自西洛陽縣界流入

曹城在縣東一里曹操與袁術相拒築城於此

袁術固一名袁公塢在縣西南十五里宋武北征記曰少

室山西有袁紹固可容十萬衆一夫守隘萬人莫當

公路壘在縣南三里素街与曹公相拒處

鈎鑲故壘在縣東北七里宋書司馬休之從宋公西征營

于相各塢西即此壘相連如鎖因以為名也

鞏縣西至府一百四十里古鞏伯之國也春秋晉師剋鞏戰國時韓

獻於秦至漢以為縣屬河南郡大業十三年李密自潁川

率群盜十餘萬破洛口倉因據鞏縣仍築城斷洛川包

南北山週迴三十餘里屯營其中後為王充所破縣本与

成臯中分洛水西則鞏東則成臯後魏并焉按爾雅鞏

岡也四面有山河之岡因以為名

天陵山在縣東南六十里

黃河西自偃師縣界流入河於此有五社波又有五社津

後漢朱鮪遣費強從五社津渡是也

洛水東經洛汭北對所稱洛入河謂之洛口亦名什谷張

儀說秦王下兵三川塞什谷之口即此也

伊闕縣北至前古我靈因漢為新城縣屬河南郡周武

帝時屬伊川郡開皇十八年罷郡改為伊闕縣

伊闕山在縣北四十五里兩山相對望之若關伊水流其

間故名

陸渾山俗名方山在縣西五十五里

伊水西自陸渾縣界流入左傳秦晉邊陸渾之戎于伊川

伊闕故關在縣北四十五里何進八關之一

密縣西南至汴一百十里本漢舊縣古密國也春秋諸侯伐鄭圍新

密漢屬河南郡隋大業二年廢十二年又置武德三年於

此置密州四年廢州以縣屬鄭州龍朔二年割屬河南府

爾雅曰山如堂者曰密因以為名

大隗山在縣東南五十里本其茨山黃帝見大隗于其茨

之山故亦謂之大隗山漢水源出於此

馬嶺山在縣南十五里洧水所出

王屋縣東南至汴一百里本周時召康公之采邑漢為垣縣地後

魏獻文帝分垣縣置長年縣周明帝改為王屋縣因山為

名仍於縣置王屋郡太和元年又為西懷州開皇三年改
為郡州大業三年廢邵州以縣屬懷州明慶二年割屬河
南府

齊子嶺在縣東十二里即宇文周與高齊分據境之處也

黃河在縣南五十里

王屋山在縣北十五里週迴一百三十里高三十里禹貢

底柱析城至于王屋是也

析城山在縣西北六十里峯四面其形如城有南門焉故

曰析城

長水縣東至汴二百里本漢盧氏縣地後縣晉宋不改後魏置

武帝分盧氏東境置南陝縣屬弘農郡西魏廢帝改為長
淵義寧元年以犯高祖廟諱改為長水貞觀八年自號州
割屬穀州明慶二年屬河南府穀州今新安縣所理是也
伊陽縣北至府二百里本陸渾縣南界之地先天元年割置伊
陽縣

伊水路在縣西南出鷲掌山東流水經云出南陽魯縣蔓
葉山東北過陸渾縣南又東北過伊闕中又魯東北入於洛
多雨暴漲諸峽束水之處其高或七八丈故伊闕石壁有
石銘云黃初四年六月二十四日辛巳大水出高四丈五
尺

銀鋪宜在縣西五里今每歲稅銀一千兩

河陰縣西至府二百里本漢滎陽縣地開元二十二年以地

當汴河口分泥水滎澤武涉三縣地于輸場東置以便運

漕即待中裴耀卿所立初耀卿為宣州刺史開元十八年

用朝集上便宜口為見江淮諸州所送租庸等本州正月

二日上道至揚州入斗門即逢水淺停留一月已上四月

已後始度淮入汴多屬乾淺又般運停留至六月七月方

至河口即遇黃河漲溢不得入河又須停一兩月待河水

較小始得上河入洛即又漕洛乾淺船艘不通計從江南

至東都停滯日多得行日少艱辛欠折因此而生伏見國

家舊法河口元武卒倉江南航下入黃河即於倉內便
貯也華縣置河口倉從黃河不入漕洛即於倉內安置爰
又河陽倉柏嶼倉大原倉水豐倉渭南倉節級取便例皆
如此水通利則漕運轉下通則且納在倉不滯遠於
中腹海舟利得二百萬石即最年之外倉庫轉加至
二十二年以柏嶼為期而轉運都使於定遠分置河陰
縣及河陰倉一河清縣置柏嶼倉二門東置集津港三門
西置豐倉四門北置山十八里陸行以避湍險自江淮來
者先納於倉自河陰做水調浮漕送倉嘉書又取曉晉
河水者運大原倉漕滑以快關中七三年運七百萬石

計年二十萬計及後漢元和中緣北陝澁頗為隱歎議
者言其下石之文傳

計年在其間二百五十年後漢元和中命主書侯景崇堤
通漕後漢初河決於明帝永平中命主書侯景崇堤
十里立一水川更相漕漕後漢元和中命主書侯景崇堤
之後漢元和中命主書侯景崇堤通漕後漢元和中命主書侯景崇堤
揚南漕水達于海自後漢引河入汴口又從大梁
之東引水入于泗達於淮自江都宮入于海亦謂之御
河一曰漕河也樹之以海漕帝幸東龍舟而往江都自
揚南漕南是也魏中平州公家漕漕私行商旅抽糧相

元不君其志
繼隋代作之雖勞後代實受其利焉

汴口堰在縣西二十里又名梁公堰隋文開皇七年使梁

宋增築漢古堰過河入汴也

三皇山亦曰良葛山上有三城即劉項相持處春秋左氏

傳曰晉師在魏郟之間亦此也

陽翟縣

西北至府二百里

本夏高祈都春秋時鄭之標邑韓自

郟陽移都於此秦為鉅川郡楚漢之際韓公子成為韓王

項羽殺成立酈昌漢元年又酈昌立橫野君信六年徙信

太吾公復置鉅川郡自縣二十理陽置鉅川屬縣後魏復

置陽翟郡開皇十六年蘇州置高州以縣屬高州大業三年

魏文帝郡武德中又隸高州貞觀元年廢入許州建都魏

改屬河南府

釣臺在縣南十五里在氏傳曰夏故有釣臺之饗也

潁陽縣

西北至府九十里

古綸氏縣本夏之綸國也少康之邑在

漢屬潁川晉省後魏太和中於綸氏縣城置潁陽縣屬河

南戶又分潁陽置瑤陽縣開皇六年改瑤陽為武林十八

年又改為綸氏大業元年改為嵩陽載初元年又改為武

林開元十五年改為潁陽

大石山一名萬安山在縣西北四十五里

倚箔山望之如立箔山西北崖下有鍾乳隋時充貢

陽乾山在縣東二十五里潁水一源出陽乾山
太谷口在縣西北三十五里孫堅停兵大谷距洛陽九十
里即此谷

大谷故關在縣西北四十五里何進八閘之一也

告成縣

西北至府一百七十里

本漢陽城縣屬潁川郡因陽城山為名後魏置陽城郡屬
司州開皇三年廢郡以縣屬洛州十六年於此置嵩州仁
壽四年省嵩山以縣屬河南郡萬歲登封元年則天因封
中嵩改名告成
許由山在縣內十三里

嵩高山在縣西北二十三里

少室山在縣西北五十里

陽城山在縣東北三十八里

兎谷在縣北五里即六國時兎谷先生所居也

測景臺在縣城內西北隅高一丈開元十年詔太史監南
宮說立石表焉

登封縣西北至府一百三十五里

本漢嵩高縣武帝元封元年置以奉太室後省入陽城累
代因之高宗時有事於中岳分陽城縣置嵩城縣萬歲
登封元年則天因封岳改為登封

嵩高山在縣北八里亦名方外山又云東曰太室西曰少室嵩高總名即中岳也山高二十里周迴一百三十里

少室山在縣西十里高十六里周迴三十里潁水源自馬潁水有三源石水出陽乾山之類谷中水瀟源少室左右水出少室南溪東合潁水

開母祠在東北七里漢書武帝紀中岳夏啟母石是也應邵云啟生而母化為石淮南子亦同嵩山記陽樵婦人

今縣中擊石像其名漢安帝延光三年立

福昌縣 由至府一百五十里

古宜陽地春秋時屬晉七國時屬韓漢以為縣屬弘農郡後漢建武三年馮異破赤眉於靖底餘眾走向宜陽帝自

征之赤眉君臣面縛即此地也義寧二年於此置宜陽郡

武德元年改為穀州改宜陽縣為福昌縣取縣西隋宮為

名時慶二年廢穀州以縣屬河南府今縣城即魏一全塢

城東南北三面天險峭絕後周置重兵於此以備高齊

女兒山在縣西南三十四里

壽安縣 東北至府七十六里

本漢宜陽縣地後魏分新安置甘掌縣隋開皇三年以縣

屬熊州十六年改為穀州仁壽四年改名壽安縣貞觀七

年改屬河南府

石墨山在縣西南三里山石如墨可以書

洛水西自福昌縣界流入

水水今名慈潤水出縣北

八閩故城在縣東北三十里後漢靈帝中平元年以河南尹何進為大將軍將五營士屯都亭置函谷大城伊閩大谷環環旋則平津孟津等八閩都尉官理於此

永濟橋在縣西十七里煬帝大業三年置架洛水隋亂毀廢貞觀八年脩造舟為梁長四十丈三尺廣二丈六尺

澠池縣 東至府一百五十里

本韓地袁侯東徙其地八秦漢以為縣屬弘農郡隋文帝時屬熊州 昌縣是也 十六年改屬穀州明慶二年廢穀

四縣屬河南府

黃陽山亦名漫池山在縣東北五十五里

穀水南去縣二百步東經秦趙二城俗謂之俱利城

東城在縣西十三里

西城在縣西四十里昔秦趙嘗于漫池之處

大塢故城在縣北十五里後魏武帝入閩使行臺楊騰出

閩安燕騰因舊城置大塢鎮

永寧縣東至府二百里

漢漫池縣之西境後漢晉宋不改後魏文帝於今縣東四十里置北宜陽縣屬宜陽郡廢帝二年改為熊耳縣義寧

二年置永寧縣屬宜陽郡貞觀元年改屬河南府

二峭山又名嶽壑山在縣北二十八里春秋時秦將襲鄭

蹇叔哭送其子曰晉人禦師必于峭峭有二陵其南陵夏

后卒之臺北陵文王之所避風雨必死是間漢建安中曹

公西討巴漢惡其險更於山下路側有石銘曰晉太康三

年弘農太守梁柳修復舊道西征記峭上不得鳴鼓角則

風雨總至自東峭至西峭三十五里東峭長坂數里峻阜

絕間車不得方軌西峭全是石坂十二里險絕不異東峭

熊耳山在縣東北四十五里後漢世祖破赤眉積甲宜陽

縣城西與北山背接禹貢導洛自熊耳在高州上洛縣界

與此別也

穀陽山在縣西北五十五里漢書地理志穀水出穀陽山

田穀俗名迴坑在縣東北三十六里馮異與赤眉戰敗於

此漢書曰方始乘翅于迴溪終奮翬于漫池可謂失之東

隅故之桑榆

新安縣 東至府七十里

本漢舊縣屬弘農郡晉改屬河南郡後魏屬新安郡周武

帝保定三年省新安郡又於今縣理置中州建德六年省

中州又置新安郡隋開皇六年改置穀州貞觀元年省中

州新安屬河南府

穀水在縣南二里國語曰穀洛閭壞王宮是也縣城本名
通洛城周武帝將東封令陝州總管尉遲綱築此城以臨
齊境

白超故城一名白超壘一名白超塢在縣西北十五里壘
當大道左右有山道從中出漢末黃巾賊起白超築此壘
以自固東魏修築為城因名白超城

函谷故關在縣東一里漢武帝元鼎三年為楊僕徙關於
新安紫秦函谷關在今陝州靈寶西南十二里靈寶縣以
其道險隘其形如函故曰函谷項羽坑秦降卒於新安即
此地今縣城之東有南北塞垣楊僕所築

慈潤故鎮在縣東南二十里周武帝保定六年置武德三
年討王充前軍鎮此太宗以輕騎擊破之充拔鎮歸於東
都

陸渾縣

東北至府一
百三十里

本陸渾戎所居春秋時秦晉遷陸渾

之戎於伊川至漢為陸渾縣屬弘農郡後屬河南尹後魏
改為伏流縣大業元年省伏流縣移陸渾縣於今理

三塗山在縣西南五十里左傳曰四嶽三塗陽城大室九
州之陰

明臬山在縣東北十五里

伊水在縣西南自虢州盧氏縣界流入

伏流城即今縣理城東魏孝靜帝武定二年所築以城北
焦澗水伏流也下西有伏流坂因以為名

河陽縣西南至府自河陽已下至河清等五縣今權隸三

城節度本魏司寇蘇忿生之邑後為晉邑在漢為河陽縣

屬河內高齊省入溫軹二縣開皇十六年分溫軹二縣重

置屬懷州武德四年平王充後割屬河南府

南城在縣西四面臨河即孟津之地亦謂之富平津後魏

使高永樂守河南以脩西魏即此也周隋為宮貞觀置鎮

中渾城東魏孝靜帝元象元年築之仍置河陽關天寶已

前亦于其上置關縣西南十三里古遮馬堤即後魏爾朱

崇毅朝士千一百餘人於此

漢按至德中史思明之來寇也時李光弼已至東都關思

明將至乃移勝留守及河南尹并留司官坊市居人令悉

出避寇空其城乃卒麾下士馬數萬貞守河陽三城拒逆

賊黨初謂光弼自洛而西及聞保河陳出其慮外疑懼久

之不取犯官關光弼訓練招集威聲人悉賊雖入城憚光

弼兵威南不出白甲西不越畿內陝州得修戎備關隘無

虞皆光弼保河陽之力故自乾元已後常置重兵貞元後

加置節度為都城之巨防造浮橋架黃河為之以繫為脚

竹竿與日之晉陽故云杜元愷造河橋於富平津即此是也

解濟出洪州

溫縣 西南至河一百三十里

本周武王司徒燕公之邑春秋周襄王賜晉文公漢以為
縣萬河內郡大業十三年自故溫移於今所皇朝建都割
為河南府

濟源縣 南至河一百二十里

古軹邑屬魏秦昭王時伐魏取軹漢文帝時封薄昭為軹
侯萬河內郡開皇十六年分軹縣置濟源縣屬懷州以濟
水行出因名明慶二年割屬河南府
濟水在縣西北三里平地而出有二源其東源周迴七百

步深不測西源周迴六百八十五步深一丈皆繚之以周

墻源出王屋山海經云王屋之山聯水出焉郭璞注云

聯流水之源尚書禹貢云導沔水東流為濟入於河溢為

滎孔安國注云濟水入河溢流十數里而南戴河又並流

數里溢為滎澤按禹貢導沔水東流為濟入於河溢為滎

東出於陶丘北人東至於荷又東北會於汶又北東入於

海顏師古云汶水而為濟截河內為滎澤陶丘今在曹州

定陶西南荷澤通河澤又與汶水會北折而東入于海也

按沔水出於王屋縣山東流至濟源縣而名濟水滎澤在

今鄭州滎澤縣定陶今曹州濟陰縣也荷澤在今兗州魚

臺縣汶水出今兗州萊蕪縣然濟水因王莽末旱渠涸不復截河南過今東平濟南淄川北海界中有水流入於海謂之清河實荷澤汶水合流亦曰濟河蓋因舊名非本濟水也而水經是和帝已後所撰乃言濟水南過萊蕪至於乘氏等縣一依禹貢舊道斯不詳之甚也酈元又從而注之尤為紕繆矣

百尺溝在縣東北六里引濟水溉灌仁壽三年置初分功

人穿十丈故名百尺溝

河清縣 南至府六十里

本漢軹縣地縣西有相岨故城即東魏將侯景所築武德

初於城東置大基縣八年省咸通四年重置先天元年以祀玄宗廟諱改名河清

汜水縣 西南至府一百八十里

古東魏國鄭之制邑漢之成臯縣一名武牢穆天子傳曰天子獵於鄭國有獸在葭中七萃之士擒之以獻天子命蓄之東隅因曰武牢漢楚之際項羽使海春侯曹咎守漢王破之咎自殺至宋武帝北平閔洛置司州刺史理武牢魏使彞斤攻宋司州刺史毛德祖經二十日尅之城中傷者無血知其乏水潛作地道其穴猶存開皇十八年改成臯為汜水縣大業十三年陷於王充武德四年討平充

復於縣理置鄭州貞觀七年移鄭州於管城以縣屬焉
明慶二年改屬河南府垂拱四年改名廣武縣神龍元年
復為汜水開元二十九年自武牢城移於今理

黃河自鞏縣流入

汜水出縣東南三十二里浮戲山經武牢城東漢破曹咎
於此

成皋故關在縣西南十里即八關之一

汴口去縣五十里今屬河陰

旋門關在縣東南二里

板渚在縣東北三十五里初竇建德衆數十萬自於板渚

結陣南屬鵲山以臨汜水太宗帥輕騎擊之賊衆大潰建
德棄于牛渚將軍白士讓生獲先是童謡云豆入牛口勢
不得久果敗於此牛口渚与板渚遷迤相接
年慈寺在縣東七里王師既破建德有詔於戰所起寺立
碑紀功焉今顏師古為其碑文

元和郡縣志卷第五

